

四庫全書

集部

欽定四庫全書

五百家註柳先生集卷十三

墓誌

先太夫人河東縣君歸祔誌

集註公譴永州司馬故太夫人卒于永明年歸祔于京兆先侍御史府君之墓公尚留永州不得奉喪事以歸作此誌

先夫人姓盧氏諱某世家涿郡

孫曰涿郡范陽人。涿音卓

壽止六

十有八元和元年歲次丙戌五月十五日棄代于永州

零陵佛寺明年某月日安祔于京兆萬年棲鳳原先侍
御史府君之墓其孤有罪銜哀待刑不得歸奉喪事以
盡其志姪洎太夫人兄之子弘禮承事焉嗚呼天乎太
夫人有子不令而陷于大僇

音戮又力救切

徙播瀾土醫巫藥

膳之不具以速夭禍非天降之酷將不幸而有惡子以
及是也又令無適主以葬

適音的

天地有窮此冤無窮既

舉葬紉

童曰紉索也。紉直忍切。與綯同。周禮封人置其綯。

猶以不肖之辭

肖一作孝

擬述先德且志其酷焉嘗逮事伯舅聞其稱太夫人之

行以教曰汝宜知之七歲通毛詩及劉氏列女傳斟酌而行不墜其旨汝宗大家也既事舅姑周睦姻族柳氏之孝仁益聞歲惡少食不自足而飽孤幼是良難也又嘗侍先君有聞如舅氏之謂且曰吾所讀舊史及諸子書夫人聞而盡知之無遺者某始四歲

韓曰大歷十二年公四歲居

京城西田廬中先君在吳家無書太夫人教古賦十四

首皆諷傳之

皆一作比

以詩禮圖史及剪製縷結授諸女及

長皆為名婦先君之仕也伯母叔母姑姊妹子姪雖遠

在數千里之外必奉迎以來太夫人之承之也尊己者敬之如臣事君下己者慈之如母畜子敵己者友之如兄弟無不得志者也諸姑之有歸必廢寢食禮既備嘗有勞疾先君將改葬王父母太夫人泣以莅事事既具而大故及焉

孫曰貞元九年五月十七日鎮卒

不得成禮既得命於朝

祇奉教曰汝忘大事乎吾冢婦也今也宜老而唯是則

不敢暇抑將任焉苟有日吾其行也及命為郢州

孫曰永貞

元年九月公貶郢州刺史

又喜曰吾願得矣竟不至官而及於罪

韓曰

是歲十一月再
貶永州司馬

是歲之初天子加恩羣臣

孫曰貞元二十一年正月

順宗即位二月大赦加恩羣臣

以宗元任御史尚書郎封太夫人河東

縣太君八月會冊太上皇后于興慶宮禮無違者

孫曰永貞

元年八月辛未命婦會策太上皇后于興慶宮

既至永州又奉教曰汝唯不恭

憲度既獲戾矣今將大儆于後以蓋前惡敬懼而已苟

能是吾何恨哉明者不悼往事吾未嘗有戚戚也而卒

以無孝道不能有報焉喪主子婦七歲

孫曰貞元十五年公之妻楊卒

而不果娶竄窮微

童曰微境也徽吉帛切

人多疾殃炎暑燄蒸

童曰

煇火熬也。煇呼木黑各虛驕三切

其下卑濕非所以養也診視無所問

藥石無所求禱祠無所實蒼黃叫呼遂邁大罰天乎神乎其忍是乎而獨生者誰也為禍為逆又頑很而不得死逾月逾時以至於今靈車遠去而身獨止玄堂暫開而目不見孤囚窮繫陟立切魄逝心壞蒼天蒼天有如是耶有如是耶而猶言猶食者何如人耶已矣窮天下之聲無以舒其哀矣盡天下之辭無以傳其酷矣刻之堅石措之幽陰終天而止矣

伯祖妣趙郡李夫人墓誌銘

夫人姓李氏，辯族氏者曰趙郡贊皇之東祖。

贊皇趙州縣名。孫曰

六國時武安君李牧事趙，遂為趙人。晉司農丞楷徙居常山，有五子。輯，晃芬，勳，歡，歡子勗。兄弟居巷東，勳子威、兄弟居巷西，故歡為東祖，芬與弟祖某為某官父。沖為勳共稱西祖，輯與弟晃共稱南祖。

單父尉夫人生於良族，巍然殊異及笄。

童曰：女十五曰笄。說文：笄，簪也。

音稽。德充於容，行踐於言，高朗而不傷，其柔嚴恪而不

害，其和特善。女工剪制之事，又能為雅琴，秦聲操縵之

具。

孫曰：為雅琴，擊琴也。楊惲曰：家本秦，也能為秦聲，叩擊而歌之也。禮記：不學操縵，不能安絃。操縵，雅聲也。

綬○操七刀切婦道既備宜為君子之配偶焉我伯祖臨

邛令府君諱某

韓曰此誌不載臨邛君諱新史世系表亦止載曰某為臨邛令它無所考蓋察躬

兄也受夫人於李氏之廟而歸于正室臨邛府君之先曰

我曾王父清池府君諱某

童曰諱從裕

清池之先曰徐州府

君諱某

童曰諱子夏

又其先曰常侍府君諱楷常侍之兄曰

中書令諱奐自中書以上為宰相四世

孫曰奐父則則父旦旦父慶儿

四世為相噫我伯祖以宗胄碩大而濟其德厚

濟字一作齊又一作儕

夫人以族屬清顯而修其禮範合二姓以承先祖為士

者榮之故佐奉養承祭祀婦德用光家道甚宜無何伯

祖終于臨邛而窆焉夫人從子而反于淮潁

潁水涯之名孫曰夫

人家揚州淮潁謂此。潁音虎

嗚呼我先府君每得仕未嘗不奉迎供

養必誠必親男既立必使之有祿仕女必使之有家將

嫁己子必先擇良士可以配諸姑者定然後議焉仲父

殿中侍御史府君由是志也夫人生男一人諱某不幸

終于宣州旌德尉

韓曰此誌不載其名而曰終旌德尉史亦不載其名而曰終旌德令恐史

誤作尉為令也

女三人皆得良壻隴西李伯和為揚子丞疾痺

廢痼而沒太原王紆

孫曰紆工部員外郎端之子其弟曰紹唐史有傳。紆音舒

今

為右補闕潁川陳萇

孫曰萇京之弟公有京行狀。萇音長

為校書郎渭

南尉知名貞元十六年王氏姑定省扶侍自揚州至于

京師道路遇疾遂館于陳氏以諸壻之良諸女之養無

不得意焉享年八十一是歲六月二十九日終于平康

里自小斂至于大斂比及葬則二壻實叅主之有孫二

人長曰曹郎奉之以纁而正于位八月二十四日葬于

萬年縣之少陵原實棲鳳原介于我先府君仲父二兆

之間神心之所安也嗚呼嗣子早夭臨邛萬里以歲之

不易

孫曰左氏昭四年之文不易有難也

未克合祔哀孰甚焉諸姑合以

為斯志以從人之道銘曰

藹其芳壽且康大梁鵲火沈幽光

韓曰大梁鵲火二星名是年歲星在大梁

六月日月會於鵲火蓋以紀卒之年月也

風淪夫子嗣又喪

平聲輅帷不復岷

之陽

童曰輅喪車飾岷之陽指臨邛今寔所也。輅此見切或作輅

兆靈趾棲鳳里良

之山兌之水靈之車當反此子孫百代承靈祉誰之言

者青烏子

孫曰風俗通曰漢有青烏子善數術唐藝文志葬書有青烏子三卷韓曰相家書曰青烏

子稱山三重相連名連
華山葬之當出二十石

叔妣吳郡陸氏夫人誌文

韓曰陸氏公叔父殿中君之配公前作殿中君
墓版文時夫人尚無恙至是而夫人卒合祔焉

為此誌

夫人諱則字內儀姓陸氏家于吳郡蓋江左上族以宗
子在他國家牒逸墜故曾王父王父之諱官不克究知
而闕其文父覃皇河南陸渾令夫人生而柔筭而禮會
伯舅為河南尹撰擇僚寮撰思謂我文學掾仲父韓曰
究切時殿

中君為河
南文學

士林殊英儒流推高故夫人歸于我夫人之

志也溫順以承上沖厚以字下不敢踰於冢婦不敢侮

於臣妾

童曰孝經治家者不敢失
於臣妾而況於妻子乎

是宜允膺福壽集成

母儀稟命不淑享年三十有五貞元十二年十一月己

亥終于長安太平里第嗚呼夫人生男一人曰曹婆幼

孺在抱委繯就位

繯音
崔

女一人曰喜子匍匐

繯繯
兩切

繯音
保

寄婦人之手哀哉蓋衰門薄祐神道不相顧仲父

違背於歲首

韓曰正月九
日殿中君辛

而夫人捐棄於是日遺孤眇

藐未克承紹凡我族屬其痛巨乎遂以其年十二月十三日庚午合祔於少陵原之墓恭惟仲父之諱字夫人之爵齒備于版文今不書懼再告也

亡姑渭南縣尉陳君夫人權厝誌

唐貞元十七年九月六日甲子

孫曰實乙丑

前渭南縣尉潁

川陳君之夫人河東柳氏

韓曰潁川陳君名養京之兄也夫人柳氏公叔父殿中君

之終于平康里將終告於陳君曰吾生四十有四年為

陳氏介婦九年謹飭不怠以至此命也既成婦矣宜祔

於皇姑從兆于三原然而不幸中道而有痼疾既不及
養于舅姑又不得佐于蒸嘗生君之子不晷月而殞嘗
謂君宜有貴位而不克見執親之喪不得終紀皆天譴
之大者也且願殺禮

禮。禮曰周禮國新殺禮。殺所介切

以成吾私通先

夫人之墓而寔我焉將俟君之不諱而歸復于正其可
也陳君乃卜十二月十八日權厝于城南原曰棲鳳如
夫人之志且以時日甲子授于宗元曰子之姑孝於家
移于我之長睦於族施于我之黨是用賓而禮之如益

者之友

童曰語曰益者三友

今則去我已矣吾無以報焉他日嘗

謂子慙而文願以為誌庶幸而有知將安子之為也甚

無恨矣嗚呼貴不必賢壽不必仁天之不可恃也久矣

遂哭而受命書夫人之世以記于茲石夫人六代祖諱

慶五代祖諱旦位皆至宰相高祖諱楷為濟州刺史曾

祖諱某

童曰諱子夏

為徐州長史祖諱某

童曰諱從裕

為清池令

考諱某為臨邛令妣李氏趙郡贊皇人其他則俟改葬

而後備

亡姊崔氏夫人墓誌蓋石文

我伯姊之葬良人博陵崔氏為之誌

孫曰崔簡字子敬

凡歸於

夫家為婦為妻為母之道我知之不若崔之悲也然而
自笄而上以至於幼孩崔固不若我之知也又烏可以
已今之制凡誌于墓者琢密石加蓋于其上用敢附碑
陰之義假茲石而書焉嗚呼夫人天命之性

童曰禮天命之謂性

之多

長丁兩切

夫人自能言而未嘗誤舉其諱與其類戲于

家游弄之具未嘗有爭先公自鄂如京師

孫曰鎮為鄂岳都團練判

官。一本有歸字

其時事會世難教告罕至

告一作書

夫人憂勞踰

月默泣不食又懼貽太夫人之憂慮紹以疾告

紹欺也。紹音

息上聲

書至而愈人乃知之善隸書為雅琴以自娛樂隱

而不耀工足以致美於服而不為異言足以發揚於禮

而不為辯孝之至敬之備仁之大又以配君子然而不

克會于貴壽以至于斯孰謂之天有知者耶

一無之字

太夫

人生二女幼曰裴氏婦

孫曰幼適裴謹字封叔

如夫人之懿在二

族咸以令德聞而皆早世其弟昏愚而獨存孰謂天可

問耶

一本問字下有者字

嗚呼痛其甚歟遂濡血而書

一作以志以書

終天之哀與茲石永久

亡姊前京兆府叅軍裴君夫人墓誌

柳氏至于唐其著者中書令諱奭中書之弟之子曰徐

州府君諱某

童曰諱子夏

實有孝德世其家業清池府君諱

某

童曰諱從裕

繼之以茂實德清府君諱某

童曰諱察躬

承之以

善政以至于侍御史府君諱某

童曰諱鎮

用貞信勳正達于

邦家克生賢女以配于裴氏裴氏至于唐其著者禮部

尚書諱行儉

孫曰行儉字守約絳州聞喜人高宗時為禮部尚書

禮部之子曰侍

中諱光庭

孫曰光庭字連城開元時為宰相

嗣用忠肅書于國史祠部

府君諱稹

孫曰光庭子稹開元末為祠部員外郎

業之以貞直以至于今

金吾府君諱微

音

用純懿端亮聞於天下實生良子以

配夫人

孫曰微四子堅瑾瑱瑒夫人瑾之配也

嗚呼夫人與仁孝偕生以

禮順偕長始於家純如也終於夫族穆如也其為子道

也孝以和恭以惠取與承順必稱所欲先君與太夫人

恩遇尤厚故夫人侍側無威怒之教焉天禍弊族夙遭

大故我諸孤奉太夫人之養不敢圖死至於復常夫人

三歲無湯沐無鹽酪

音洛

頓踴叫號哀徹天地外除髮不

勝筭體不勝帶太夫人泣而命之固猶不食朝夕諭誨

僅而濟焉其為妻道也貞順之宜恒服於身體疑忌之

慮不萌於心術忿懣之色

童曰忿懣恨也禮記有所忿懣則不得其正懣音致

不

兆於容貌同焉而合於禮婉焉而得其正其為婦道也

惟聽順謹敬睦姻仁恤之行甚備常以不幸不及姑舅

之養用為大恨是故相春秋之事眎滌濯羞簞簞勞以

待旦每怵惕之感至焉則又移其孝于裴氏之門

一本作移

其孝于兄
公女公

而以睦于冢婦介婦必敬必親下以不失其

赤子之心姻族歸厚率由是也嗚呼我之大譴歟裴氏

之大不幸歟以夫人之德行宜貴壽宜康寧然而年始

三十不克至于壽良人官為叅軍事

孫曰瑾時為
京兆府叅軍

不及

偕其貴骨髓之疾實鍾于身以貞元十六年三月十三

日甲子終于光德里第痛矣夫始夫人之疾也夫人之

族視之如己

一有
宗字

其家老長妾臧獲之微皆以其私奔

謁於道路禱鬼神問卜筮者相及也既病太夫人在側

尚慮積憂傷于尊懷猶持形立氣給以少間故二稚未

齒

瑾子銳童曰齒毀齒也男八
歲女七歲而齒口齒初覲切

良人在遠不及有緒言

遺念以傳於後則我呼天之痛宜有加焉嗚呼天胡厚

是懿德而闕其報施獨何咎歎余不知天之忍也既逾

月良人至自洛師望門而哭曰無以立吾家成吾身矣

凡生三子幼曰崔七先夫人八月而殯魂氣無不之也

次曰崔六後夫人五旬而夭因祔焉令其存者曰崔五

幸無恙託于乳媪

烏皓切

以虞水火哀哉其年八月十八

日甲子安厝于長安縣之神禾原從于先塋祔于皇姑
宜也母弟號哭而為之志毒痛憑塞畧不能具敢告无
愧辭无益美庶用正直克安神心嗚呼至哀无文至敬
不飾故无其辭

亡妻弘農楊氏誌

亡妻弘農楊氏諱某高祖皇司勳郎中諱某

孫曰司勳
諱元政

司勳生殿中侍御史諱某

孫曰侍御史諱志玄

殿中生醴泉縣尉

諱某

孫曰諱成名

醴泉生令禮部郎中凝

孫曰成名三子憑字虛受凝字懋功

凌字恭履韓曰凝當作憑憑嘗為禮部郎中集又有祭楊詹事文可見今作凝恐非

代濟仁孝號

為德門郎中娶于隴西李氏生夫人夫人生三年而皇

妣即世外王父兼居方伯連帥之任歷刺南部

孫曰建中四年

以兼為鄂岳觀察使貞元元年遷江西觀察使

夫人自幼及笄依于外族所以

撫愛視遇者殆過厚焉夫人小心敬順居寵益畏終始

無驕盈之色親黨難之五歲

孫曰建中二年五歲

屬先妣之忌

飯僧於仁祠就問其故媒傳以告

媒音保

遂號泣不食後每

及是日必遑遑涕慕抱終身之戚焉及許嫁於我柔日

既卜

韓曰禮記外事以剛日內事以柔日柔日乙丁己辛癸是也

乃歸於柳氏恭惟

先府君重崇友道於郎中最深髻稚好言

髻音迢

始於善

謔

童曰詩善戲謔兮

雖間在他國終無異辭凡十有三歲而二

姓克合奉初言也夫人既歸事太夫人

韓曰公之母河東郡太夫人盧

氏備敬養之道敦睦夫黨致肅雍之美主中饋佐烝嘗

怵惕之義表于宗門太夫人嘗曰自吾得新婦增一孝

女況又通家愛之如己子崔氏裴氏姊視之如兄弟故

二族之好異于他門然以素被足疾不能良行

孫曰昭七年左

氏孟繁之足不能良行注云跛也

未三歲孕而不育

孫曰易漸之九三曰婦孕不育凶

厥疾增甚明年以謁醫救藥之便來歸女氏永寧里之

私第八月一日甲子

孫曰寅壬申

至于大疾年始二十有三

嗚呼痛哉以夫人之柔順淑茂宜延于上壽端明惠和

宜齒于貴位生知孝愛之本宜承于餘慶是三者皆虛

其應天可問乎衰門多豐

童曰豐辨拆也。豐許慎切又音衆

上天无祐

故自辛未

孫曰辛未貞元七年

逮于茲歲累服齊斬繼纏哀酷

孫曰

貞元九年五月公父鎮卒十二年正月叔父卒十一月叔妣陸氏卒

其間冠衣純采

孫曰禮曰

孤子當室冠衣不純采。純之允切

替月者三而已矣无乃以是累夫人

之壽歟悼慟之懷曷月而已矣哀夫遂以九月五日庚

午克葬于萬年縣棲鳳原從先塋禮也是歲唐貞元十

五年龍集己卯為之誌云

坤德柔順婦道肅雍

童曰詩序曰猶執婦道以成肅雍之德

惟若人兮婉婉

淑姿

孫曰婉婉順也。婉音宛婉音晚又音免

鏘翔令容

鏘七將切委窮塵兮佳

城鬱鬱閉白日兮

孫曰博物志漢滕公夏侯嬰死公卿送葬至東都門外馬不行踣地悲鳴

得石棺有銘曰佳城鬱鬱三十年見白日吁嗟滕公居此室乃葬之

之死同穴

孫曰詩之死矢靡它

又曰死則同穴公自言異時死則與之同穴

歸此室兮

下殤女子墓埽記

韓曰殤未成人而死禮八歲至十一為小殤十二至十五為中殤十六至十九為上殤

下殤女子生長安善和里其始名和娘既得病乃曰佛我依也願以為役更名佛婢既病求去髮為尼號之為初心元和五年四月三日死永州凡十歲其母微也故

為父子晚性柔惠類可以為成人者然卒天斂以緇褐

銘用塋

甓甓瓦也
甓蒲歷切

葬零陵東郭門外第二岡之西隅

銘曰

孰致也而生孰召也而死焉從而來焉往而止竟氣無

不之也骨肉歸復於此

孫曰延陵季子曰骨肉歸復于
土命也若竟氣則無不之也

小姪女子墓塋記

字為雅氏為柳生甲申

孫曰貞元
十二年

死己丑

孫曰元
和四年日十

二月在九是日葬東岡首生而慧命則天始也無今何

有質之微當速朽銘茲瓦期永久

故尚書戶部侍郎王君先太夫人河間劉氏誌文

韓曰夫人王叔文母也公附叔文故此銘極所稱道時貞元二十一年秋也八月而憲宗立叔文敗公亦相繼貶黜豈公作銘時猶未悟耶其後與許孟容書謂是時年少氣銳不識幾微不知當否但欲一心直遂果陷刑法意公亦悔所不及矣韓文公言曰子厚前時少年勇於為人不自貴重顧藉謂功業可立就故坐廢退誠有當於公之心哉

夫人姓劉其先漢河間王

孫曰河間獻王德漢景帝長子

王有明德世

紹顯懿至于唐有文昭者為綿州刺史號良二千石其

嗣慎言為仙居令光州長史克荷于前人光州

一有夫君字

夫

人之父也夫人及笄五年從于北海王府君

孫曰王越州山陰人

叔文自言王猛之後云

諱某府君舉明經授任城尉左金吾衛兵

曹修經術以求聖人之道通古今以推一王之典會世

多難不克如志卒以隱終夫人生二子長曰彛倫舉五

經早夭少曰叔文堅明直亮有文武之用貞元中待詔

禁中以道合于諸后凡十有八歲獻可替否有匡弼調

護之勤

孫曰叔文善慕貞元初出入東宮娛侍太子詭譎多計自言讀書知治道乘間嘗為太子言民

間之先帝棄萬姓韓曰貞元二十一年嗣皇承大位韓曰

疾苦丙申順公居禁中訐謨定命童曰詩有扶翼經緯之績

孫曰自德宗大漸王任每入稱詔召叔文坐翰林中使決事任以叔文意入言於宦官李忠言稱詔行下外無

者知由蘇州司功參軍為起居舍人翰林學士孫曰二月

蘇州司功參軍為起居舍人翰林學士韓曰詩肅肅王命仲山

甫明之又曰出納有彌綸通變之勞副經邦賦財之職

王命王之喉舌孫曰三月以叔文為加戶部侍郎賜紫金魚袋孫曰五

度支鹽鐵轉運使文為戶部侍郎童曰書關重輕開塞有和鈞肅給之效石和鈞和

鈞謂均平也

內贊謨畫

一作謀謨

不廢其位凡執事十四旬有六

日利安之道將施于人而夫人終于堂蓋貞元之二十

一年六月二十日也

孫曰是日丁巳

知道之士為蒼生惜焉天

子使中謁者臨問其家賻以布帛嗚呼夫人之在女氏

也貞順以自處孝謹以有奉其在夫族也祇敬以承上

嚴肅以莅下事良人四十有九年而勤勞不懈生戶部

五十有三年

孫曰天寶十二年叔文生

而教戒無闕年七十有九而

戶部之道聞於天下為大僚垂紫綬以就奉養公卿侯

王咸造于門既壽而昌世用羨慕然而天子有詔俾定封邑有司稽於論次終以不及時有痛焉是年八月某日祔于兵曹君之墓銘曰

夫人之德溫柔敬直承于陰教式是嬪則克生良子用揚懿美有其文武弘我化理天子是毘邦人是望平聲若

若紫綬

孫曰漢書印何景景綬何若若耶若若垂貌

榮于高堂惟昔孟氏號

為母師在漢稱賢有戒不疑

孫曰此當言為不疑或字誤也

懿懿夫人

惟其似之山北之中神禾之原問于靈龜閱此顯魂

音閱

秘勒石垂休永永萬年

朗州員外司戶薛君妻崔氏墓誌

唐永州刺史博陵崔簡

孫曰簡字子敬

女諱媛嫁為朗州員外

司戶河東薛嬰妻三歲知讓五歲知戒七歲能女事善

筆札讀書通古今其暇則鳴絃桐諷詩騷以為娛始簡

以文雅清秀重於當世其後病惑得罪投驩州

孫曰元和七年

簡卒於驩州

諸女蓬垢涕號柳氏出也以叔舅命

孫曰叔舅公自謂

歸于薛惟恭柔專勤以為婦妻思其故他姬子雜己子

造次莫能辨無忤忌之行

忤恨也
忤音寘

。無犯迂之氣

迂逆也

迂音

一畝之宅言笑不聞于隣元和十二年五月二十

八日既乳

產也
童曰乳

病肝氣逆肺牽拘左腋巫醫不能已

暮月之日潔服飭容而終年若干某月日遷柩于洛某

月日祔于墓在北邙山南洛水東巽始佐河北軍食有

勞未及錄會其長以罪聞因從貶

孫曰元和初討成德
節度使王承宗以于

臯蕃董漢為河北行營糧料使崔元受韋岵薛平王相

等為判官分給供餽既罷兵臯蕃等坐贓數千緡勅貸

其死六年五月流單蕃春州漢封州行

至潭州賜死元受等從坐皆逐嶺表

更大赦方北遷

欽定四庫全書

五百家註柳先生集

十九

孫曰元和十三年正月
以平淮西大赦天下

而其室已禍巽之父曰大理司

直仲卿祖曰太子右贊善大夫環曾祖曰平舒令煜高

祖曰工部尚書真藏簡之父曰大理司直畢

當作畢

祖曰

某官鯢唐興中書令仁師議刑不挈

孫曰貞觀十六年刑部以盜賊律反

逆緣坐兄弟沒官為輕請改從死左僕射高士廉吏部
尚書侯君集兵部尚書李勣等請從重民部尚書唐儉
禮部江夏王道宗工部尚書楚客等請依舊不改時議
者以漢及魏晉謀反皆三族欲依士廉等議仁師為給
事中駁議以為
其二世大父也

孫曰仁師生挹挹生
液液生鯢鯢生巽

巽

之他姬子丈夫子曰老女子曰張婆妻之子女子曰陀

羅尼丈夫子曰其實後子銘曰

翼翼仁師惟仁之碩一言刑輕綿載二百其慶中缺曾

玄不續簡之溫文卒昏以易七男三女八我之出仍禍

六稔數存如沒宜福而災伊誰云恤惟薛之婦德良才

全隣無言聞臧獲以虔推仁撫庶孩不異憐兄公是怙

公一作子夫屬忻然髮鬢戔戔音曰髮鬢也鬢結髮也。髮音被鬢音第籩豆惟

嘉烝嘗賓燕其羞孔多有苾有嚴苾音被鬢音第神饗斯何

奚仲仲虺孫曰奚仲為夏車正禹封為薛侯十二世孫仲虺居薛為湯左相後以為氏胡祐

不遐高曾祖考胡嘏之訃淑人不居誰任于家書銘告
哀以寘巖阿

韋夫人墳記

韋夫人終成都殯萬年遷柩渭南祔而不合大葬未利
以俟禮也其族系如某人之誌塋用元和十四年月日
孫曰左傳毀則朝而塋不毀則日中而塋說
文云塋舉葬下土也○塋通鄩切又音朋子某為石刻
而納諸壙

馬室女雷五葬誌

馬室女雷五父曰師儒業進士雷五生巧慧異甚凡事

絲續文繡

續音曠

不類人所為者余觀之甚駭家貧歲不

易衣而天姿潔清脩嚴恒若簪珠璣衣紬縠

上音丸下胡谷切

寥然不易為塵垢雜年十五病死後二日葬永州東郭


東里以其姨母為妓於余也將死曰吾聞柳公嘗巧我

惠我今不幸死矣安得公之文志葬於墓

一本作志我葬其父

母不敢以云葬之日余乃聞焉既而閔焉以攻石之後

也遂為砂書玄塋追而納諸墓



五百家註柳先生集卷十三

欽定四庫全書

集部

五百家註柳先生集卷十四至

七

詳校官監察御史_臣邱文煢

檢討臣何思鈞覆勘

總校官編修_臣王燕緒

校對官編修_臣孫希旦

謄錄監生_臣金際谷

欽定四庫全書

五百家註柳先生集卷十四

對

設漁者對智伯

韓曰按史記世家友通鑑所載智伯貪而無厭卒抵于敗公之設為漁者對其指切一時事情也至矣

智氏既滅范中行

孫曰智襄子名瑤文子躒之孫也周頃安三十一

年帥韓趙魏而伐范中行氏滅之共分其地以為邑范謂范昭子

吉射中行謂中行文子荀寅瑤音瑤

志益大合韓

魏圍趙水晉陽

孫曰貞定王十六年智伯約魏桓子韓康子圍趙襄子於晉陽決晉水灌之。

水一作于

智伯瑤乘舟以臨趙且又往來觀水之所自務速

取焉羣漁者有一人坐漁智伯怪之問焉曰若魚幾何

若汝也

曰臣始漁於河中今漁於海

一無今字

今主大茲水臣

是以來曰若之漁何如曰臣幼而好漁始臣之漁於河

有魛魛鱣鯉者

集注詩魚麗于留鰭魛釋魚云鯢鮑也郭璞云今吹沙也詩其魚魛魛似魛

而鱗弱魛魛魚之易制者鱣鯉也江東呼為黃魚鯉不

魛也四者皆小魚。鯢音沙魛音敎鱣音璵鯉音偃能自食以好臣之餌日收者百焉臣以為小去而之龍

門之下

韓曰龍門山在同絳二州之間

伺有鮪焉

韓曰鮪大魚也形似鱧而青黑大者七八

尺周禮春獻王鮪。鮪于鬼切

夫鮪之來也從魴鯉數萬

童曰魴赤尾詩魴魚類尾

是也魴音房一作其字

垂涎流沫後者得食焉然其飢也亦返吞

其後愈肆其力逆流而上慕為螭龍

螭龍之無角者孫曰辛氏三秦記曰

河津一名龍門水險不通魚鱉之屬莫能上江海大魚薄集龍門下數千不得上上則為龍也。螭敕之切

及夫抵大石亂飛濤折鰭禿翼

童曰鰭魚脊上骨禮記羞濡魚者夏右鰭。鰭

音顛倒頓踣

音順流而下宛委冒愾

情心迷也

環坻激

而不能出

童曰坻水中高也一曰小渚也激水浦也。坻音輝激音敎

魚之大者幸

而啄食之臣亦徒手得焉猶以為小聞古之漁有任公

子者其得益大

孫曰莊子任公子為大鉤巨緇五十牂以為餌蹲乎會稽投竿東海旦旦而釣

已而大魚食之牽巨鉤鉤沒而下驚揚而奮鱗白波若山海地震動聲侔鬼神輝赫千里任公子得若魚離而腊之自朔河以東蒼梧以北無不厭若魚者於是去而之海上北浮於碣石

韓曰碣石山名在平州盧龍縣碣然而立在海旁故名。碣音竭

求大鯨焉

童曰鯨海大魚也說

文常以五月生子於岸八月導而還海鼓浪成雷噴沫成雨水族畏之。鯨巨京切臣之具未及

施見大鯨驅羣鯨

鯨海魚也音交

逐肥魚於渤澥之尾

渤澥海之別也

孫曰楊子雲曰江湖之崖渤海之尾。渤音勃澥胡買切震動大海簸掉巨島

童曰水中

有山曰島。歟補過切
掉徒了切島都皓切

一啜而食若舟者數十啜嘗也勇而

未已貪而不能止北威於碣石槁焉嚮之以為食者反相

與食之臣亦徒手得焉猶以為小聞古之漁有大公者其

得益大釣而得文王

韓曰史記太公望呂尚者以漁釣奸周西伯西伯出獵遇太公於渭之陽與

語大悅載與俱歸立為師

於是舍而來智伯曰今若遇我也如何漁者

曰嚮者臣已言其端矣始晉之侈家若欒氏

孫曰晉靖侯之孫曰欒賓

傳六世至祁氏

孫曰祁奚為晉大夫至孫盈滅

羊舌氏

孫曰羊舌職事晉至曾孫食我滅

以十數不能自保以貪晉國之利而不見其害主之家與

五卿

補注五卿即范中行韓趙魏也

嘗裂而食之矣

韓曰史記趙世家晉項公之十二年六卿

以法誅公族祁氏羊舌氏分其邑為十縣各令其族為之大夫

是無異魴鰔鱸鰻也腦流

骨腐於主之故鼎可以懲矣然而猶不肯寤又有大者

焉若范氏中行氏貪人之土田侵人之勢力慕為諸侯

而不見其害主與三卿

韓趙魏

又裂而食之矣

韓曰定公十二年范

中行反晉君擊之范中行走朝歌出公十七年智伯與趙韓魏共分范中行地以為邑

脫其鱗鱠

其肉

童曰鱠細切肉也。鱠音檜

剗其腸

剗音枯

斷其首而棄之鯢鮓

遺脣

童曰鯢鮓魚子。鯢音昆鮓音而脣羊晉切

莫不備俎豆是無異夫大

鮪也可以懲矣然而猶不肯寤又有大者焉吞范中行

以益其肥猶以為不足力愈大而求食愈無饜

於鹽切又於豔

切驅韓魏以為羣鯨以逐趙之肥魚而不見其害貪肥

之勢將不止於趙臣見韓魏懼其將及也亦幸主之威

於晉陽其目動矣

童曰左氏目動而言肆懼我也

而主乃傲然

童曰傲倨也○

傲魚到切亦作傲

以為咸在机俎之上方磨其舌抑臣有恐焉

今輔果舍族而退不肯同禍

孫曰國語智宣子將以瑤為後智果曰不如宵也宣

子不聽果別族于太史為輔氏後韓趙魏滅智伯之族惟輔果在○輔一作韓

段規深怨而造

謀

孫曰國語智襄子伐鄭自衛還三卿宴于藍臺智襄子戲韓康子而侮段規及晉陽之難段規反首難而

殺

智伯于師段

規

韓康子相也

主之不寤臣恐主為大鯨首解於邯鄲

韓

曰邯鄲趙所都

○

邯音寒鄲音單

鬣摧於安邑

韓曰安邑本晉地即今絳州夏縣○鬣音獵

胸披於上黨

韓曰

尾斷於中山之外

韓曰中山後為趙所并

而腸

流於大陸

韓曰大陸澤名在深趙二州界而濱河

為蠹為蕘

蠹蕘二字出周禮○蠹音

鮮蕘音槁

以充三家子孫之腹臣所以大懼不然主之勇力

強大於文王何有智伯不悅然終以不寤於是韓魏與

趙合滅智氏其地三分

韓曰周威烈王二十三年智襄子請地於韓康子致萬家之邑又

求地於魏桓子復與萬家邑又求蔡皋狼之地於趙襄子襄子不與智伯怒帥韓魏以攻趙圍而灌之城不沒者三版趙襄子使張孟談潛出見韓魏曰唇亡則齒寒趙亡則韓魏為之次矣二子乃陰與張孟談約為之期日而遣之襄子夜使人殺守隄之吏而決水灌智伯軍韓趙翼而擊之大敗智伯之衆遂殺智伯而分其地

愚溪對

補注集有愚溪詩序云灌水之陽有溪東流入瀟水名冉溪余謫瀟水上改之為愚溪愚溪對作於永州明矣晁太史無咎取以附變騷其系曰宗元之所作亦對襄王問客難之義而託之神也然嘗論宗元固不愚夫安能使溪愚哉竭其智以近利而不獲既困矣而始曰我愚宗元之困豈愚罪耶

柳子名愚溪而居五日溪之神夜見夢曰子何辱子使

子為愚耶有其實者名固從之今子固若是耶子聞闕

有水生毒霧厲氣

厲惡也

中之者

中上聲

溫屯溫泄

張曰屯聚也屯

徒渾切溫音歐又於口切泄音薛

藏石走瀨

張曰瀨湍也吳越謂之瀨中國謂之磧○瀨音賴

連艦廩解

孫曰李裴云艦船前頭刺權處連艦言多也○艦音盧

有魚焉鋸齒鋒

尾而獸蹄是食人必斷而躍之

孫曰此蓋鱣魚也

乃仰噬焉

噬音

逝

故其名曰惡溪

孫曰惡溪在潮州界

西海有水散渙而無力不

能負芥投之則委靡墊沒

墊陷也丁念切

及底而後止故其名

曰弱水

韓曰出甘州東坡云自州西北至肅州孫曰山海經崑崙之丘其下有弱水溪環之注云其水

不勝鴻毛

秦有水持汨泥淖

童曰持偏引也淖亦泥也○持舉綺切汨音骨淖汝教切

撓

混沙礫視之分寸貽若晚壁

童曰貽直視晚邪視也○貽丑吏切晚音詣

淺

深險易

以鼓切

昧昧不覲乃合涇渭以自彰穢跡

孫曰詩涇以渭

濁涇小渭大屬於渭而入於河涇以有渭故見其濁

故其名曰濁涇

韓曰出原州高平縣笄頭

山一名崆峒山至同州界入渭孫曰漢書地理志云涇水出安定涇陽縣西峴頭山東南至馮翊陽陵縣入渭

故上云秦有水也

雍之西有水幽險若漆不知其所出故其名

曰黑水

孫曰書黑水西河惟雍州鄜元水經黑水出張掖難山南流至燉煌過三危山南流入于南海

韓曰通典亦云黑水出甘州張掖縣雞山

夫弱惡六極也濁黑賤名也彼得

之而不辭窮萬世而不變者有其實也今予甚清與美

為子所喜而又功可以及圃畦力可以載方舟

孫曰詩曰方之

舟之注云方枘也說文云編木以渡也

朝夕者濟焉子幸擇而居予而辱

以無實之名以為愚卒不見德而肆其誣豈終不可革

耶柳子對曰汝誠無其實然以吾之愚而獨好汝汝惡

得避是名耶

補注東坡詩云應同柳州柳卿使愚溪愚又詩云不見子柳子餘愚汚溪山本此文

也

且汝不見貪泉乎有飲而南者見交趾寶貨之多光

溢於目思以兩手左右攬而懷之豈泉之實耶過而往

貪焉猶以為名

孫曰廣州二十里地名石門有水曰貪泉飲者懷無厭之心晉吳隱之賦詩曰

古人云此水一飲懷千金

今汝獨招愚者居焉久留而不去雖欲革

其名不可得矣夫明王之時智者用愚者伏用者宜邇

伏者宜遠今汝之託也遠王都三千餘里側僻迴隱蒸

鬱之與曹螺蚌之與居

韓曰螺蚌屬大者如斗出日南漲海中蚌蜃屬說文蛤也。螺

盧戈切蚌步項切

唯觸罪擯辱愚陋黜伏者日侵侵以遊汝闕

闕以守汝

張曰闕馬出門貌。闕丑禁切

汝欲為智乎胡不呼今之聰

明皎厲握天子有司之柄以生育天下者使一經於汝而唯我獨處汝既不能得彼而見獲於我是則汝之實也當汝為愚而猶以為誣寧有說耶曰是則然矣敢問子之愚何如而可以及我柳子曰汝欲窮我之愚說耶雖極汝之所往不足以申吾喙涸汝之所流不足以濡吾翰姑示子其畧吾茫洋乎無知冰雪之交衆裘我絺澣暑之鑠式灼切衆從之風而我從之火吾盪而趨盪亦放也不知太行之異乎九衢以敗吾車吾放而遊不知呂梁

之異乎安流

孫曰莊子曰孔子觀於呂梁縣水三十仞流沫四十里鼃鼃魚鼃之所不能遊也呂

梁今在彭城

以沒吾舟吾足蹈坎井頭抵木石衝冒榛棘

冒一

作行僵仆虺蜴

孫曰詩哀今之人胡為虺蜴守宮也○蜴亦易

而不知怵惕何

喪何得進不為盈退不為抑荒涼昏默卒不自克此其大凡者也願以是汙汝可乎於是溪神深思而歎曰嘻有餘矣是及我也因俯而羞仰而吁涕泣交流舉手而辭一晦一明覺而莫知所之遂書其對

對賀者

柳子以罪貶永州

韓曰永貞元年九月公自禮部員外郎
貶邵州刺史十一月又貶永川司馬

有自京師來者既見曰余聞子坐事斥逐余適將唁子

孫曰弔生曰唁弔死曰弔張曰弔失
國亦曰唁見穀梁傳云○唁宜箭切今余視子之貌浩

浩然也能是達矣余無以唁矣敢更以為賀柳子曰子

誠以貌乎則可也然吾豈若是而無志者耶姑以戚戚

為無益乎道固若是而已耳吾之罪大曾主上方以寬

理人用和天下故吾得在此凡吾之貶斥幸矣而又戚

戚焉何哉夫為天子尚書郎謀畫無所陳而羣比以為

名

孫曰羣此謂羣黨

蒙恥遇僇以待不測之誅苟人爾有不汗

栗危厲僣僣然者哉

僣責也。僣思相切又七才切

吾嘗靜處以思獨

行以求自以上不得自列於聖朝下無以奉宗祀近丘

墓徒欲苟生存庶幾似續之不廢

章曰詩以似以續續古之人

是

以儻蕩其心倡佯其形

倡音昌佯音羊

茫乎若昇高以望潰乎

若乘海而無所往故其容貌如是子誠以浩浩而賀我

其孰承之乎嘻笑之怒甚乎裂眚

眚目眚也。眚疾智才詣二切

長歌

之哀過乎慟哭庸詎知吾之浩浩非戚戚之尤者乎子

休矣

補注黃曰古人所甚惡惡於不情怒者可知笑者不可測子厚嘻笑甚裂皆長歌過慟哭而感感之

悲寄於浩浩蓋有齊人之風乎

杜兼對

孫曰兼字處洪中書令正倫五世孫

或問曰朝廷以公且明進善退不肖未嘗不當然吾有一疑焉願有聞於子以釋予也曰何哉曰杜兼為濠州

孫曰徐泗節度使張建封表

置其府積勞為濠州刺史

幸兵之亂殺無罪士二人

孫曰兼性浮險錄事參軍韋賞國練判官陸楚皆以守職論事忤兼兼密奏二人通謀扇動軍中忽有制使至

兼率官吏迎於驛中前呼章賞陸楚出宣制杖
殺之二人有士林之譽無罪受戮天下究之蓄貨足

德吾以為唐構机饕饕者亡以異孫曰文十八年左氏
顓頊氏有不才子天

下謂之構机縉雲氏有不才子天下謂之饕饕注云構
机頑凶無疇匹之貌貪財為饕饕食為饕○構音濟机

音兀饕音然而卒入為郎中孫曰元和初入為刑
部郎中改吏部郎中給事

中出由商至河南尹孫曰自給事中出為商州刺史金
商防禦使改河南少尹行大尹事

半歲拜乃死孫曰元和四年十一
月二十二日兼卒夫何取於兼者若是

幸也曰若子之言兼之罪吾雖不覩乎目然聞之熟宜

廢而不用久矣然而吾有一取焉吾聞兼在濠州有鍾

離令

韓曰鍾離縣屬濠州

盧某者宰相戚也而讒且諛日狀其僚

之過愆以致于兼且曰是過是愆我獨無有其僚因惴

恐

童曰惴憂懼貌
○惴之瑞切

以俟謫怒於上今日施施自負

施施自得

貌

曰州君將我除也兼得之乃大怒罰令使僚也咸得

自達以進乎善因擯令終不得面焉人由是不苟免而

讒諛之道大息朝廷進兼於內則給事中於外則至河

南尹蓋知兼有是善也歟誠然不為公且明耶或者曰

兼凶狡人也恣殺以充己其為過章章者凡天下兒童

後闕

天對

蔡夢弼曰天問者屈原之所作也舊錄之於楚辭按漢王逸序其篇首曰屈原放逐憂心愁悴彷徨山澤經歷陵陸嗟號旻昊仰天歎息見楚有先王之廟及公卿祠堂圖畫天地山川神靈琦瑋備倂及古聖賢怪物行事因書其壁呵而問之以渫憤滿舒寫愁思乃假天以為言焉故作天問子厚取天問所言隨而釋之遂作天對夢弼嘗苦其文義不次贅牙難讀今取楚辭屈原天問章分句析以條于前仍以子厚之對繫而錄之博究其用事之從出證以傳記音而訓之庶使問對兩全以便稽考焉

問曰遂古之初誰傳道之

王逸曰遂往也初始也言往古太始之元虛廓無形

神物未生誰傳道此也

上下未形何由考之

王逸曰言日月晝夜清分溷沌無垠難考

定而知之

冥昭瞢闇誰能極之

王逸曰言日月晝夜清濁晦明誰能極知之

馮

翼惟象何以識之

王逸曰言天地既分陰陽運轉馮馮翼翼何以識知其形像乎明

明闇闇惟時何為

王逸曰言純陰純陽一晦一明誰造為之乎

對曰本始之茫誕者傳焉

韓曰謂太始之元初無傳也

鴻靈幽紛曷

可言焉

韓曰謂天地未形本無言也

智黑晰眇

蔡夢弼曰智呼骨切說文出氣詞也從日

象氣出形郭璞三蒼解詁曰智旦明也
嚴有翼曰智黑微昧也晰之列切明也

往來屯屯

蔡曰屯張

倫切難也易屯卦注屯者天地造始之時也

虎昧草化

蔡曰昧音妹易天造

昧於冥

惟元氣存而何為焉

韓曰謂日月晝夜陰陽晦明惟元氣存焉

問陰陽三合何本何化

王逸曰謂天地人三合成德其本始何化所生乎

對合焉者三一以統同

元注引穀梁子傳獨陰不生獨陽不生獨天不生三合然後生

王逸以為天

吁炎吹冷

蔡曰冷音零清也字又從音同集韻吳人謂冰曰冷澤

錯而功

問圜則九重孰營度之

王逸曰言天圜而九重誰營度而知乎蔡曰圜與圓同說

文園者天之體也

對無營以成沓陽而九

蔡曰沓徒合切積也九者老陽積陽為天故曰沓陽而九也

轉輳渾淪

蔡曰一作轉輳一作運輳輳胡果胡瓦二切車較轉貌禮記雜記闕數而輳輪者又胡鼎

切迴也渾音魂淪音倫列子氣形質具而未相離故曰渾淪言萬物相渾淪而未相離也

蒙以圈號

韓曰謂天圈九重則陽數也

問惟茲何功孰初作之

王逸曰言天有九重而誰功力始作之耶

對冥凝玄釐無功無作

問幹維焉繫天極焉加

王逸曰幹轉維綱言天畫與夜之轉旋幹轉也維綱也言

天畫夜轉旋寧有維綱繫綴其際極安所加乎○蔡曰焉於虔切安也後可以意求之

對烏篋繫維

蔡曰篋戶禮切待也淮南子帝張四維運之以斗東北為報德之維西南為背陽之

維東南為常羊之維西北為

乃麋身位

蔡曰麋恐作麋

無極之

極

蔡曰張衡靈憲八極之極徑二億三萬二千三百里

潏瀾非垠

蔡曰潏母朗切瀾民卑切又莫

爾切潏瀾水大貌

或形之加孰取大焉

韓曰謂斗極居中央如太玄所謂天圓地方屯

植中央也王逸以為極際恐未必然也

問八柱何當東南何虧

王逸曰言天有八山為柱背何當植東南不足誰虧缺之

蔡曰河圖言崑崙者地之中也地下有八柱柱廣十萬里有三千八百軸互相牽制名山大川孔穴相通

東方朔神異經曰崑崙有銅柱焉其高入天所謂天柱也

對皇熙疊疊

蔡曰疊戶禮切易成天下之疊疊者

胡棟胡宇完離不屬

蔡曰

完一作宏屬之欲切附也下同

焉恃夫八柱

韓曰謂天以八山為柱非所恃也

問九天之際安放安屬

王逸曰九天東方暉天東南方陽天南方赤天西南方朱

天西方成天西北方幽天北方玄天東北方變天中央鈞天其際會何分安所屬繫乎

對無青無黃無赤無黑無中無旁烏際乎天則

韓曰九天雖用

為九而對以為不然也

問隅限多有

蔡曰限烏回切說文水曲隅也爾雅屋內為隅外為限淮南子天有九野九千

九百九十九隅去地五億萬里

誰知其數

王逸曰言天地廣大隅限衆多寧有知其數乎

對巧欺淫誑幽陽以別無限無隅曷惜厥列

韓曰謂天地方隅不

可以數窮也蔡曰惜母亘切不明也又眉登切惜也又母總切心亂也

問天何所沓十二焉分

王逸曰沓合也言天與地合會何所分十二辰誰所分別

乎洪興祖曰左氏傳日月所會是謂辰注一歲日月凡十二會所會為辰

對析算剡筵

蔡曰析食列切斷也筵音專楚人名結草折竹以卜曰算剡音琰削也筵音廷離騷

索瓊茅以筵算兮命靈氛為余占之注筵竹算也後漢方術傳提算折竹注提八段竹也音同折一作析

施旁豎

蔡曰午謂交午也

鞠明究曛

蔡曰曛許云切日入餘光

自取十二非

余之為焉以告汝

韓曰意謂巧歷不能計天地之晦明一歲日月十二會固自若也

問日月安屬列星安陳

王逸曰言日月星辰安所繫屬誰陳列也

對規燬魄淵

蔡曰燬音毀裂也規燬魄淵謂日月也

太虛是屬綦布萬榮

蔡曰榮謂列星也

咸是焉託

韓曰謂日圓而明月生而靜星若綦榮無所託也

問出自湯谷次于蒙汜

王逸曰次舍也汜水涯也言日出東方湯谷之中暮入西

極蒙水之涯也蔡曰湯與暘同汜音似水涯也或音凡或音泛淮南子曰出于暘谷浴于咸池拂于扶桑登于扶桑爰始將行淪于蒙谷日入于虞淵之汜曙于蒙谷之浦行九州七舍有五億萬七千三百九里

對輻旋南畫軸莫于北

嚴有翼曰旋音平聲渾天之法天地之形如雞子北聳而南下

故北極常不沒南極常不見其轉如車軸日月星辰常下迴也

孰彼有出次惟汝方之

側

蔡曰次舍也

平施旁運惡有谷記

韓曰謂日猶輪旋軸莫鳥可窮其出次次于谷

記也○記音凡又音祀又音泛

問自明及晦所行幾里

王逸曰言日平旦而出至暮而止所行凡幾何里乎

對當焉為明不逮為晦度引久窮不可以里

韓曰謂日之明晦不

可以里計也

問夜光何德死則又育

王逸曰夜光月也育生也言月何德居於天地死而復生

也

對燬炎莫儼

音麗偶也

淵迫而魄遐違乃專何以死育

韓曰謂日

之炎光莫並唯月明既極則
魄哉生不可以死育測也

問厥利維何而顧菟在腹

王逸曰言月中有菟何所
貪利居月之中而顧望乎

蔡曰菟
與兔同

對玄陰多缺爰感厥兔不形之形惟神是類

韓曰謂月
中有兔玄

陰之所感也蔡曰張衡靈憲月者陰精之宗精而成獸
象兔陰之類其數偶蘇鷄演義兔十二屬配卯位處望
日月最圓而出于卯上卯兔也其形入于月中遂有是
形崔豹古今注兔口有缺張華博物志兔望月而孕自
吐其子

問女歧無合夫焉取九子

王逸曰女歧神女
無夫而生九子也

對陽健陰淫降施蒸摩岐靈而子焉以夫為

韓曰漢成帝紀應劭

注畫室畫九子母或曰即女岐也

問伯強何處惠氣安在

王逸曰伯強大厲疫鬼也所至復人惠氣和氣也言陰陽

調和則惠氣行不調和則厲鬼興此二者常何所在乎

對怪瀾冥更

蔡曰瀾民卑切又莫爾切水貌一作瀾又作涂與沚同並徒典切陰陽氣亂曰沚集

韻引莊子陰陽氣有沚又郎計切說文水不利也集韻引五行傳若其沚作又前漢五行志氣相傷謂之沚猶臨意不和意也如淳曰伯強乃陽順和調度惠氣出行

時屆時縮何有處鄉

韓曰謂氣乖則致厲氣和則致祥非有定處也

問何闔而晦何開而明

王逸曰言天何所闔閉而晦冥何所開發而明曉乎

對明焉非闢晦焉非藏

問角宿未旦曜靈安在

王逸曰角亢東方星曜靈日也東方未旦之時日安所藏

其精
光乎

對孰旦孰幽繆躔于經

嚴有翼曰繆音糾躔澄延切謂日月行也蔡夢弼曰繆音了說

文躔也司馬相如子虛賦繆繞玉綏注繆音蓼繆繞相躔結也

蒼龍之寓而廷彼角亢

蔡曰廷其往切斯也亢音剛星名爾雅壽星角亢也國語辰角見而雨畢注辰角大辰蒼龍之角見者朝見東方建戌之初寒露節也問言角宿未旦者指東方蒼龍之位耳韓曰謂東方蒼龍角亢之宿雖日出之方而其

晦明固自有經度也晉志云左角為天田主刑元總攝天下奏事聽訟理獄錄功者也。○彼字一本作尉

問不任汨鴻師何以尚之

王逸曰汨治也鴻鴻水也師衆也尚舉也言鯀才不

任治鴻水衆人何以舉之乎

僉答何憂何不課而行之

王逸曰僉衆也課試

也言衆人舉鯀治水堯知其不能衆人曰何憂哉何不先試之也蔡曰尚書堯典湯湯洪水方割蕩蕩懷山襄陵下民其咨有能俾乂僉曰於鯀哉帝曰吁咈哉方命圯族岳曰異哉試可乃己帝曰往欽哉九載績用弗成

對惟鯀譎譎

蔡曰鯀音哀禹父名尚書作鯀按集韻混字韻內出脰脰鯀三字通作鯀即無鯀字

惟王子年神仙拾遺記云夏鯀理水無功沈於羽川化為玄魚大千尺後遂死橫於河海之間後世以玄字合

於魚字為鯀字說
交切說文憲呼也

女鄰聖而孽恒師厖蒙乃尚其圮

韓曰

謂鯀之不任治洪水衆論不明不察其
方命圮族而舉之也○圮部鄙切毀也

后惟師之難贖

頤使試

韓曰謂四岳舉鯀堯曰吁咈哉兪曰試可乃已
非樂於用之也贖恨張目也頤鼻莖感頤也蔡

曰贖音頻與輦同又音
賓恨張目也頤音遏

問鴈龜曳銜鯀何聽焉

王逸曰言鯀治水績用不成
堯乃放殺之羽山飛鳥水蟲

曳銜而食之鯀何
復能不聽之乎

順欲成功帝何刑焉

王逸曰帝謂
堯也言鯀設

能順衆人之欲而成其
功堯當何為刑戮之乎

永遏在羽山夫何三年不施

王逸曰永長也遏絕也施舍也言堯長放鯀
於羽山絕在不毛之地三年不舍其罪也

對盜埋息壤招帝震怒

韓曰史記索隱曰山海經啓筮云鯀竊帝之息壤以堙洪水招

舉也漢書以招人過蔡曰堙與湮同音因塞也說文沒也招音翹集韻舉也尚書洪範鯀堙洪水汨陳其五行

帝乃震怒鯀則賦刑在下而投棄于羽方陟元子以脣

功定地

蔡曰脣羊晉切嗣也山海經鯀竊帝之息壤以堙洪水帝令祝融殺鯀於羽郊淮南子凡鴻水

淵藪自三百仞以上二億三萬三千五百五十里有九淵禹乃以息土填洪水以為名山注息土不耗減掘之益多故以胡離厥考而鴟龜肆喙

蔡曰考謂禹之父鯀也喙吁機切說文口

也○鴟與鴟同

問伯禹腹鯀夫何以變化

王逸曰禹鯀子也言鯀愚狠腹而生禹禹少見其所

為何以能變化

纂就前緒遂成考功

王逸曰父死稱考緒業也言禹

而成聖德也

能纂代繇之遺業

王逸曰

而成考父之功也

何續初繼業而厥謀不同

何言禹

對氣孽宜害而嗣續得聖汙塗而築夫固不可以類

韓

謂鮪既殛于羽山蟲鳥之所曳銜而其子有禹之聖蓮

生泥中自不類也○蔡曰藥音渠集韻芙藥荷總名謂

荷之生於淤泥中以

肱躬躡步蔡曰肱當作臑同張泥切皮厚也一曰肱也說

文臑腫也腫株垂切臑也列子楊朱篇身體偏枯手足

胼胝蹙必益切又蒲結切跛也楊子巫步多禹注謂如

氏治水土涉山川

橋楯勦踣滿緯曰橋音蹠丘遙切史記禹本紀山行乘楸注一

病足故行跛也

橋楯勦踣

作橋音同構車謂以鐵如鉅頭長半寸施之履下以上
山不蹉跌也又音紀錄切楸勑倫切說文車約刺也書
予乘四載注泥乘楠正義引前漢溝洫志泥行乘轟注
泥行所乘者又橈字通作楠同勑倫切注禹治水所乘
者古篆變形字體改易說者不同未知孰是蔡曰橋一
作構一作標或作楸勑夷世切又音曳勞也路蒲墨切
說文僂也勑路謂勞劇而頓仆也路一作路厥十有三載乃蓋考醜宜儀刑

九疇

蔡曰尚書禹貢作十有三載乃同史記夏紀禹湯
父鯀功之不成乃勞身焦思居外十三年過家門

不敢入洪範鯀則殛死禹乃嗣興天乃錫禹洪範九疇
注疇類也一五行二五事三八政四五紀五皇極六三

德七稽疑八
庶徵九五福

受是玄寶

蔡曰尚書禹貢禹
錫玄圭告厥成功

昏成厥孽昭

生于德惟氏之繼夫孰謀之式

韓曰謂禹胼手胝足勤
勞底績以覆蓋其父之

惡數九疇錫玄圭唯繼
鯀之氏而不法其謀也

問洪泉極深何以寘之

王逸曰言洪水淵泉極深大禹何用寘塞而平之乎

對行鴻下隤

蔡曰隤徒回切說文下隤也

厥丘乃降焉填絕淵

蔡曰填與

寘同音

然後夷于土

韓曰謂禹行洪水既平降丘宅土不待填塞蔡曰淮南子禹乃以息

土填鴻水九淵以為名山今子厚之對以為不然也

問地方九州何以墳之

王逸曰墳分也謂九州之地凡有九品禹何以能分別之

乎新添竹坡周少隱楚辭贅說曰子厚對亦是以墳為分字當讀如情

對從民之宜乃九于野墳厥貢藝而有上中下

韓曰謂從民之

所宜咸則三壤而成賦中邦也蔡曰墳符吻切墳言土脉憤起也九州之土不同因以定貢藝故有上中下之差焉

問應龍何畫河海何厯

王逸曰有鱗曰蛟龍有翼曰應龍厯過也言河海所出至

遠應龍過厯遊之無所不窮也或曰禹治洪水時有神龍以尾畫導水徑所當決者因而治之

對胡聖為不足反謀龍智畚鍤究勤

畚音本鍤測洽切

而欺畫

厥尾

韓曰蓋以王逸注神龍之事為不然也蔡曰畚音本說文鍤屬蒲器也左氏傳寘諸畚注畚以草索

為之筥屬鍤測洽切鍤也山海經圖犂丘山有應龍者龍之有翼者也夏禹治水有應龍以尾畫地即水泉流通

問鯨何所營禹何所成

王逸曰言鯨治洪水何所營度禹何所成就乎康回

馮怒地何故以東南傾

王逸曰康回共工名也淮南言共工與顓頊爭為帝不得

怒而觸不周之山天維絕地柱折故東南傾

對圜燾廓大

蔡曰圜與圓同說文天體也燾徒到切說文溥覆照也

厥立不植地

之東南亦已西北彼回小子胡顛隕爾力夫誰駭汝為

此而以恩天極

韓曰謂非康回可得而傾也蔡曰隕羽敏切說文從高下也恩胡困切辱也擾

也列子共工氏子與顓頊爭為帝怒而觸不周之山折天柱絕地維故天傾西北日月星辰就焉地不滿東南

百川水潦歸焉

問九州何錯

蔡曰錯倉故切置也

川谷何滂

王逸曰錯廁也滂深也言九州錯廁

禹何以分別之川谷於地何以獨滂深乎蔡曰滂叶音戶

對州錯富媪

蔡曰媪烏浩切說文女老稱前漢郊祀歌后土富媪注坤為母故稱媪也

爰定

于趾躁川靜谷

蔡曰躁則到切說文本亦作燥先到切說文乾也

形有高庫

蔡曰

庫音婢又音卑短也

問東流不溢孰知其故

王逸曰言百川東流不知滿溢誰有知其何故也

對東窮歸墟

蔡曰墟當作墟同丘於切說文大丘也列子渤海之東不知幾億萬里有大壑焉實

惟無底之谷名曰歸墟八紘九野之水天漢之流莫不注之而無增無減焉

又環西盈脉穴

土區而濁濁清清墳壚爍疏

蔡曰爍當作燥墳房粉切土膏肥也壚音盧說文黑

剛土也尚書下土墳壚注下者壚壚疏也

滲渴而升

蔡曰滲所禁切說文下澆也

克融有

餘泄漏復行

蔡曰莊子天下之水莫大於海百川歸之不知何時止而不盈尾閭泄之不知何時

已而器運激激

蔡曰激音悠水流貌

又何溢為

韓曰謂九州川谷錯滲各有其勢水

之東流回環其理自不溢也

問東西南北其脩孰多

王逸曰脩長也言天地東西南北誰為長乎

對東西南北其極無方夫何鴻洞

蔡曰鴻洞並音去聲鴻大也洞通也

而

課校脩長

韓曰謂不可計其孰脩也。一本無校字蔡曰淮南子闔四海之內東西二萬八千里南

北二萬六千里注子午為經卯酉為緯言經短緯長也
禹乃使大章步自東極至于西極二億三萬三千五百
里七十五步使豎亥步自北極至于南極二億三萬三
千五百里七十五步注海內有長短極內等也其他諸
說不同

問南北順墮

洪興祖曰墮音妥狹而長也

其衍幾何

王逸曰衍廣大也言南北

墮長其廣差幾何

對茫忽不準孰行孰窮

韓曰亦謂不可計其孰行也

問崑崙縣圃其尻安在

王逸曰崑崙山名也在西北元氣所出其巔曰縣圃縣圃

乃上通於天也蔡曰尻一作居水經崑崙之山三級下曰樊桐一名板松二曰玄圃一名閼風上曰層城

欽定四庫全書

卷十四

一名天庭
尻丘刀切

對積高于乾崑崙攸居

蔡曰禹本紀崑崙山高三千五百餘里日月所相避隱為光明

也水經崑崙山在西北去嵩高五萬里地之中也其高萬一千里河水出其東北陬

蓬首虎齒爰

處爰都

蔡曰山海經西海之南流沙之濱赤水之後黑水之前有大山名崑崙之丘其下有弱水之淵

環之有蓬首虎齒戴勝而處者名王母也

問增城九重其高幾里

王逸曰淮南言崑崙之山九重其高萬五千里也

對增城之高萬有三千

蔡曰增城與層同才登切重也淮南子崑崙虛中有增城九重其

高萬一千里百一十四步二尺八寸東方朔十州記崑崙山有三角一角正東名曰崑崙宮其處有積金為壙

城面方千里城上安金臺五所玉樓十二此云萬有三千其說不同誕實未詳

問四方之門其誰從焉

王逸曰言天地四方各有一門其誰從之上下也蔡曰淮

南子崑崙虛旁有四百四十門間四里里間九純純丈五尺

對清溫燠寒

蔡曰清七政切寒也燠乙六切熱也黃帝素問內經天不足西北左寒而右涼地不

滿東南右熱而左溫注西方涼北方寒東方濕南方熱氣化猶然也

迭出于時時之丕革

由是而門

問西北辟啓何通氣焉

王逸曰言天西北之門猶當開啓豈元氣之所通蔡曰辟

通作闢開也淮南子崑崙虛玉橫維其西北隅北門開以納不周之風按不周山在崑崙西北不周風自

此出也

對辟啓以通茲氣之元

韓曰謂崑崙之高一寒一暑氣所從出西北天門又氣之所通

也

問日安所到燭龍何照

王逸曰言天地之西北有幽冥無日之國有龍銜燭而留

照之蔡曰山海經鍾山之神名曰燭陰視為晝暝為夜吹為冬呼為夏不飲不食不喘不息身長千里注

曰即燭龍也

對脩龍口燎

蔡曰燎力照切照也

爰北其首

蔡曰首手又切嚮也

九陰極冥

厥朔以炳

蔡曰山海經西北海之外赤水之北有章尾山有神人面蛇身而赤其瞑乃晦其視乃明

是謂燭龍文選雪賦爛兮
若燭龍銜曜照崑崙是也

問義和之未揚若華何光

王逸曰言日未揚出之時若木何能有明赤之光華

也蔡曰廣雅日御曰義和月御曰望舒山海經東南海外有義和之國有女子名曰義和是生十日常浴日于甘淵又灰野之山有樹赤葉赤華名曰若木日所入處生崑崙西附西極也又淮南子若木在建木西末有十日其華照下地注若木端有十日狀如蓮珠華光也光照其下也

對惟若之華稟義以耀

韓曰謂若木依日而光耀耳

問何所冬暖何所夏寒

王逸曰暖溫也言地之氣何所有冬溫而夏寒者乎

對狂山凝凝

蔡曰凝元注音嶷魚力切山海經狂山無草木冬夏有雪狂水出焉冰于北

至爰有炎洲司寒不得以試

蔡曰東方朔十洲記南方有炎洲在南海中其地方

二千里淮南子南至委火炎風之時北方之極有凍寒積冰雪霰霜露漂潤羣水之野

問焉有石林有獸能言

王逸曰言天下何所有石木之林林中有獸能言語者乎

對石胡不林往視西極

洪興祖曰文選吳都賦雖有若林之岵崿請據臂而靡之雖有

雄虺之九首將抗足而跳之按賦以石林與雄虺同稱則石林當在南方然子厚云石胡不林往視西極按淮南子西方之極石城金

獸言嘐嘐人名是達

蔡曰嘐火包切說文

誇語也通作咬注鳥聲也山海經鵠山有獸類獼猴被髮垂地名曰猩猩知人名其為獸如豕而人面

問焉有虬龍負熊以遊

王逸曰有角曰龍無角曰虬言寧有無角之龍負雄獸以

戲遊者乎蔡曰熊形類犬豕而性輕捷好攀緣上高木見人則顛倒自投地而下也

對有虬螭蛇不角不鱗

蔡曰虬渠幽切廣韻無角龍也又居幽切諸韻並作虬螭蛇上

於危切一作委音同下余知切詩委蛇委蛇注行可以從迹也

嬉夫玄熊相待以神

問雄虺九首倏忽焉在

王逸曰虺蛇别名也倏忽電光也言有雄虺一身九頭逮及電

光皆何所在乎蔡曰虺許偉切惡蛇也爾雅釋魚虺虺博三寸首大如擘疏江淮以南曰虺江淮以北曰虺有牙最毒倏一作倏並音叔說文走也

對南有怪虺羅首以噬倏忽之居帝南北海

元注曰倏忽在莊子

甚明王逸以為電非也蔡曰按王逸注倏忽電光也又招魂南方雄虺九首往來倏忽注倏忽疾急貌考之楚

辭兩處正文意義但為迅疾貌而王逸之注自相戾此
子厚之對直取南海之帝為儻北海之帝為忽而言故
謂王逸為電光非也然按莊子乃寓言
耳子厚引之以為證恐非屈原本意也

問何所不死

死一作老

長人是守

王逸曰括地象曰有不死之國長人長秋春秋

云防風氏也禹會諸侯防風氏後至於是使守封嵎之山也

對員丘之國身民後死

蔡曰員與國同山海經不死民在交脰國東其人黑色壽不死

注國丘上有不死樹食之乃壽有赤水飲之不老

封嵎之守其橫九里

蔡曰嵎音隅封

嵎二山在吳楚之間注芒氏之國魯國語吳隱會稽獲巨骨焉問之仲尼仲尼曰昔禹致羣神於會稽之山防風後至禹殺而戮之其骨專車客曰敢問誰守為神仲尼曰山川之靈足以紀綱天下者其守為神客曰防風

氏何等也仲尼曰汪芒氏之君也守封嵎之山者也為漆姓在虞夏商為汪芒氏於周為長翟今為大人容曰人長之極幾何仲尼曰長者不過十數之極也注今湖州武康縣東有防風山山東二百步有禺山防風氏廟在封禺二山之間春秋穀梁傳文公十一年叔孫得臣敗狄于鹹長狄也射其目身橫九里

問靡萍九衢臬華安居

王逸曰九交道曰衢言萍草寧有生於水中无根乃蔓衍

於九交之道又有臬麻垂華榮何所有此物乎蔡曰臬相里切爾雅釋草有臬麻麻有子曰臬疏麻一名

對有萍九歧厥圖以詭

元注曰山海經多言其枝五衢又云四衢衢歧也王逸以為生

九衢中恐謬蔡曰萍一作萍並音平說文萍也无根浮水上而生者山海經宣山上有桑焉其枝四衢注枝交

五四出又少室山有木名帝休其枝五衢注樹枝交錯
相重互出有象路衢故子厚注云逸以為生九衢中謬
矣

浮山孰產赤華伊臬

元注曰山海經浮山有草焉
其葉如麻赤華即臬華也

問靈蛇吞象厥骨何如

王逸曰南方有靈蛇吞象三
年然後出其骨蔡曰靈或作

一骨或
作大

對巴蛇腹象足覲厥大三歲遺骨其脩已號

蔡曰覲一
作觀山海

經南海內有巴蛇身長百尋其色青黃赤黑食象三歲
而出其骨君子服之無心腹疾文選吳都賦屠巴蛇出

象
骨

問黑水玄趾三危安在

王逸曰玄趾三危皆山名
也在西方黑水出崑崙山

對黑水淫淫窮于不姜玄趾則北三危則南

巖有翼曰尚書禹貢

導黑水至于三危入于南海按黑水出張掖難山自三危山南流至文單國謂之扶南江至奔陀國入于南海

問延年不死壽何所止

王逸曰言僊人稟命不死其壽獨何窮止也洪興祖曰黃

帝素問上古有真人壽敝天地無有終時中古有至人益其壽命而強者也其次有聖人者形體不敝精神不散亦可

以百數也

對僊者幽幽壽馬孰慕短長不齊咸各有止何紛華漫

汗而潛謂不死

蔡曰漫汗上莫官切下河干切或並音去聲淮南子倣真訓至德之世徙倚于

漫汗之字注漫汗無生形又道應訓盧敖遊乎北海見士馬玄鬚而薦肩軒軒然迎風而舞笑曰吾與漫汗期

于九垓之外不可以久舉臂而臂遂入雲中教仰視之弗見注漫汗不可知之也

問鮫魚何所魃堆焉處

王逸曰魃堆鯉也一云鮫魚鮫鯉也有四足出南方魃堆

奇獸也蔡曰魃堆

希切堆都回切

對鮫魚人貌邇列姑射

蔡曰鮫音陵射音亦列子姑射山在海河洲中山上有僊人焉

山海經西海中近列姑射山有鮫魚人面人手魚身見則風濤起風土記鮫魚腹背皆有刺如五角菱非王逸之註所謂魃雀峙北號惟人是食元注曰堆當為雀魃

鮫鯉也

魃雀峙北號惟人是食

雀在北號山如難虎

爪食人王逸以為奇獸誤也蔡曰山海經北號山有鳥狀如雞而白首鼠足名曰魃雀食人子厚注謂堆當為雀按集韻鵠雀屬同都迴切則魃堆即魃雀也

問羿焉彈日烏焉解羽

王逸曰淮南言堯時十日並出草木焦枯堯令羿仰射十

日中其九日日中九烏皆死墮其羽翼也蔡曰羿五計切堯之射官也彈音畢說文射也或作彈解胡買切散也又佳賈切判也按子厚之對改烏為鳥則彈日解羽遂成兩事若用王逸之注引淮南之說證之則烏當如字讀義意雖通則問對之言各相戾也

對焉有十日其火百物羿宜炭赫厥體胡庸以枝屈

蔡曰

山海經黑齒之北曰湯谷居水中有扶木九日居下枝一日居上枝皆戴鳥注羿射十日中午其九大澤千

里羣鳥是解

元注曰山海經大澤千里羣鳥之所解問作鳥字當為鳥後人不如因配上句改為

鳥也蔡曰按山海經羣鳥之所生及所解又穆天子傳北至曠原之野飛鳥之解其羽子厚用此以為對故改

烏為鳥則與屈原之問上下
二句各是一事義不相配也

問禹之力獻功降省下土四方

王逸注言禹以勤力
獻進其功堯因使省

治下土
四方也

焉得彼兪山女而通之于台桑

王逸曰言禹
引治水道娶

兪山之女而通夫婦之道於台桑之
地蔡曰金與塗同說文會稽山也

閔妃配合

蔡曰
配一

作
匹厥身是繼

王逸曰閔憂也言禹所以憂
無妃匹者欲為身立繼嗣也

胡維嗜慾

不同味而快鼂飽

王逸曰言禹治水道娶者憂无紀
綱耳何特與眾人同嗜慾苟欲快

飽一朝之情乎故以辛酉日娶甲子曰去而有咎也
蔡曰鼂音朝暮之朝言禹之所嗜與眾人異味眾人

所嗜以厥足其情欲禹
所嗜者極民之溺耳

對禹懲于績金婦亟合

蔡曰亟許力切急也書益稷篇禹娶于塗山辛壬癸甲啓呱呱

而泣于弗子惟荒度土功呂氏春秋禹娶塗山氏女不以私害公自辛至甲四日復往治水

胙離厥膚

蔡曰胙蒲末切膚羴皮也莊子禹治水腓無胙

三門以不眠

蔡曰眠善旨切與視同後同孟子滕

文公篇禹八年於外

呱呱之不盡

蔡曰盡迄力切傷痛也

而孰圖

厥味卒燥中野

蔡曰燥先到切說文乾也中一作于

民攸字攸暨

韓曰謂禹娶金

山氏之女雖念繼嗣之重而勤勞不顧其家非徒欲飽快一朝之情蓋欲民安其居也蔡曰宇一作字暨當作

墊息也詩洞篇民之攸墊言水

患既平民得所字養而安息也

問啓代益作后卒然離孽

王逸曰益禹賢臣作為也后君也離遭也孽憂也言

禹以天下禪益益避啓於箕山之陽天下皆去益而歸啓以為君益卒不得立故曰遭憂也蔡曰蠶一作孽憂也書甘誓啓與有扈戰于甘之野說者曰有扈氏與夏同姓啓有天下有扈不服大戰于甘故云卒

然離

蠶

對彼呱克臧俾似作夏

蔡曰似詳里切禹姓也史記舜紀帝禹為夏后而別姓似氏

獻后益于帝

蔡曰孟子萬章篇禹薦益於天益避禹之子於箕山之陰朝覲獄訟者不歸益而之

啓曰吾君之子也謳歌者不謳歌益而謳歌啓曰吾君之子也諄諄以不命復為叟耆

曷戚曷孽

韓曰謂益避啓於箕山之陰此天意也初何憂焉

問何啓惟憂而能拘是達

王逸曰言天下所以去益就啓者以其能憂思道德

而通其拘隅拘隅者謂有扈氏叛啓啓率六師而伐之也皆歸射籍而無害厥躬

王逸曰射行也籍窮也言有扈氏所行皆歸于窮惡故啓誅之並得長無害於身者也蔡曰籍音菊窮也

對呱勤于德民以乳活扈仇厥正帝授柄以撻克窮聖

庸夫孰克害

韓曰謂啓之賢民賴以生誅有扈氏之叛而無敢害者蔡曰害協音曷傷也

問何后益作革而禹播降

王逸曰后君也革更也播種也降下也言啓所以能

變化更益而代益為君者以禹平治水土百姓得下種百穀故思歸啓也蔡曰降協音洪

對益革民艱咸聚厥粒惟禹授以土爰稼萬億違溺踐

垧

蔡曰垧巨志切堅土也

休居以康食

蔡曰康食安食也

姑不失聖天胡

往不道

蔡曰一無
聖天二字

問啓棘賓商九辯九歌

王逸曰棘陳也賓列也九辯九歌啓所作樂也言啓能備

脩明禹業陳列宮商之旨備其禮樂也蔡曰山海經夏后氏上三嬪于天得九辯與九歌以下注皆天帝樂名啓登天而竊以下用之故騷經云啓九辯與九歌兮夏康娛以自縱注夏康啓子太康也

對啓達厥聲堪興以呻

張曰堪興地也呻音申

辨同客之序帝以

貨嬪

蔡曰貨莫候切義未詳嬪音賓又音頻婦也

問何勤子屠母而死分竟墜

王逸曰勤勞也屠裂剥也言禹膺剥母背而生

其母之身分散竟墜何以能有聖德憂勞天下乎洪興祖曰禹以勤勞修縣之功故曰勤子也

對禹母產聖何齔厥旅

蔡曰齔普逼切判也裂也旅當作贅字林贅脊骨也帝王世紀

禹齔剥母背而生齔音齔干寶曰前志所傳修己背折而生禹簡狄胃剖而生契

彼淫言亂噉

蔡曰噉陟救切口也與味同

聽職以不處

蔡曰職古獲切耳也韓曰謂无此理也

問帝降夷羿革孽夏氏

王逸曰帝天帝也夷羿諸侯殺夏后相者也革更孽憂也

言羿弑夏家居天子之位荒淫田獵變更夏道為萬民憂患也蔡曰羿五計切此乃有窮之羿非堯時羿也左氏傳襄公四年虞人之歲曰在帝夷羿冒于原獸忘其國恤而思其虐北武不可重用不厭于夏家

對夷羿滔淫

蔡曰左氏襄公四年昔有夏之衰后羿自鉏遷于窮石因夏民以代夏政恃其射也不脩民

事而淫于原獸割更后相

蔡曰左氏傳哀公元年昔有過澆殺斟灌而以伐斟尋滅夏后相澆五帛

切

夫孰作厥孽而誣帝以降

韓曰謂堯羿殺夏后相非天意也

問胡羿射夫河伯而妻彼雒嬪

王逸曰胡何也雒嬪水神謂宓妃也傳曰

河伯化為白龍游於水旁羿見射之眇其左目河伯上訴天帝曰爾何故得見射河伯曰我時化為白龍出遊天帝曰使汝深守神靈羿何從得射也汝今為蟲獸當為人所射固其宜也羿何罪歟羿又夢與雒水神宓妃交接也蔡曰謂堯時羿非有窮之羿也淮南子河伯溺殺人羿射其左目注堯時羿射十日繳大風殺宓窳斬九嬰射河伯

對震皞厥鱗

蔡曰皞古老切白也

集矢于皖

蔡曰皖華板切字當從目從完說文大目

也肆叫帝不譖

蔡曰譖氏林切誠也

失位滋嫚

蔡曰嫚莫晏切說文侮易也

有

洛之嫫

蔡曰嫫胡故切好貌

馬妻于狡

蔡曰妻七計切女嫁人也

問馮珽利決

蔡曰馮音珽珽音姚

封豨是射

王逸曰馮挾也珽弓名也決射鞬也

封豨神獸也言豨不循道德而挾弓射鞬獵捕神獸以快其情也蔡曰豨虛豈切通作豨方言猪謂之豨

也何獻蒸肉之膏而后帝不若

王逸曰蒸祭也后帝天帝也若順也言豨

射封豨以其肉膏祭天帝天帝猶不順豨之所為也蔡曰淮南本經訓免之時封豨脩蛇皆為民害免乃使豨斷脩蛇於洞庭擒封豨於桑林按此言有窮豨亦封豨是射而反為民害也左氏昭公二十八年樂正夔生伯封實有豕心貪惏無厭忿顓無期謂之封豨有窮后羿滅之帝謂天帝也

對夸夫快殺

蔡曰夸音誇大言也夫音扶語助也

鼎豨以慮飽馨膏腴帝

叛德恣力胡肥台舌喉

蔡曰台音怕我也

而濫厥福

問浞娶純狐眩妻爰謀

王逸曰浞羿相也爰於也眩惑也言浞娶于純狐氏女眩

惑愛之遂與浞謀殺羿也

何羿之射草而交吞揆之

王逸曰吞滅也揆度也言羿好射獵不恤政事浞交接國中布恩施德而吞滅之也

對寒讒婦謀后夷卒戕

蔡曰戕音牆殺也左氏襄公四年羿不修民事而淫于原獸寒

浞伯明氏之讒子弟也信之使為己相浞行淫于內施賂于外虞羿于田樹之詐愚以取其國家羿田將歸家

臣逢蒙殺而烹之浞因羿室生澆及豷恃其讒愚詐偽而不德于民使澆用師滅斟灌及斟尋氏夏遺臣靡自

有禹氏收二國之燼以滅浞而立少康少康滅澆于過后杵滅豷于戈有窮由是遂亡

荒棄于野

俾奸民是滅舉土作仇徒怙身弧

韓曰謂足謀殺羿羿徒射其弧矢而不悟也

問阻窮西征巖何越焉

王逸曰阻險也窮窘也越度越也言堯放鯀羽山鯀西行

度越岑巖之險因墮死也

化而為黃能巫何活焉

王逸曰活生也鯀死後化為黃熊入

於羽山淵豈巫醫所能復生活哉蔡曰左傳昭公七年昔堯殛鯀于羽山其神化為黃熊以入于羽淵晉語作黃能按熊獸名能奴來切三足鼈也二書皆出左氏而自為同異據言入于羽淵當以黃能為是蓋

熊非入水之物

對鯀殛羽巖

張曰禮部韻藻音哀注云禹父名今從魚詳上文乃是鯀字

化黃而淵

問咸播秬黍莆藿是營

王逸曰咸皆也秬黍黑黍也藿草名營為也言禹平治水

土萬民皆得耕種於藎蒲之地盡為良田也蔡曰柅音巨黑黍也蒲即蒲字蒲水草可以織席藎音九與

藎同藎也或作藎非

對子宜播種穉

蔡曰子一作予種微力切又時力切先種曰植一日長稼也穉音雉後種曰穉

一曰幼稼也詩閨宮植穉穉麥

于丘于川維莞維蒲蔡曰莞胡官切又音官說文草也可

以為席

維菰維蘆

菰音孤蘆音盧

不徹以圖民以謹以都

問何由并投而鮡疾修盈

王逸曰疾病也修長也盈滿也由用也言免不惡鮡

而戰殺之則禹不得嗣與民何得投種五穀乎乃知鮡惡長滿天下也洪興祖曰言禹平水土民得種五

穀矣何由鮡惡長滿天下乎所謂蓋前人之愆也

對堯酷厥父厥子激以功

韓曰激一作徵非是魯國語

修蘇克碩厥祀後世是郊

韓曰謂蘇既殛死禹乃嗣興以永厥祀也蔡曰左氏昭公

七年鮪化為黃熊入于深淵實為夏郊三代祀之

問白蜺嬰茀胡為此堂

王逸曰蜺雲之有色似龍者也茀白雲逶蛇若蛇者也言

此有蜺茀氣逶移相嬰何為此堂乎蓋屈原所見祠堂也蔡曰蜺一作霓雌虹也茀音弗疑作霈說文雲

親安得夫良藥不能固臧

王逸曰臧善也言崔文子學仙於王子喬子喬化為

白蜺而嬰茀持藥與崔文子文子驚怪引戈擊蜺中之因墮其藥俯而視之王子喬之尸也故言得藥不

也善天式從橫陽離爰死

王逸曰式法也爰於也言天法有善陰陽從橫之道人失

欽定四庫全書

卷十四

陽氣則死也

大鳥何鳴夫馬喪厥體

王逸曰言崔文子取子儵之尸置中覆之

以幣篋須臾則化為大鳥而鳴開而視之鵲飛而去文子馬能亡子儵之身乎言仙人不可殺也

對王子怪駭蛺形第裳衣褫操戈

蔡曰褫去今切奪衣也操倉刀切持也

猶惜夫藥良

蔡曰惜母豆切不明也

終鳥號以游

蔡曰號乎刀切呼也

奮厥

篚筐習漠莫謀

蔡曰習呼骨切出氣詞也

形胡在胡亡

問萍號起雨何以興之

王逸曰萍萍翳雨師名也號呼也興起也言雨師號呼興

則雲起而雨下獨何以興之乎

對幽陽潛爨

取亂切

陰蒸而雨萍馮以興厥號爰所

問撰體協脅鹿何膺之

王逸曰膺受也言天撰十二神虎一身八足兩頭獨何膺

受此形體乎蔡曰撰雖縮切具也

對氣怪以神爰有奇軀脇屬支偶

蔡曰脇虛業切兩臂也屬音燭連也尸

帝之隅

問鼇戴山抃何以安之

王逸曰鼇大龜也擘手曰抃列仙傳曰有巨靈之鼇背負

蓬萊之山而抃戲滄海之中獨何以安之乎

對宅靈之丘掉焉不危鼇厥首而恒以恬夷

蔡曰列子湯問篇渤

海之東有五山焉岱輿員嶠方壺瀛洲蓬萊其山高下周旋三萬里所居之人皆仙聖之種五山之根无所連

欽定四庫全書

卷十四

著帝命禹殪使巨龍十五舉首而載之迭為三苗方萬歲一交焉五十始峙而不動

問釋舟陵行何以遷之

王逸曰釋置也舟船也遷徙也言龍所以能負山若舟船

者以其在水中也使龍釋水而陵行則何能遷徙此山乎洪興祖曰言龍在海中負山若舟之負物今釋水而陸反為人所負何罪而見徙焉

對要釋而陵

蔡曰要當作惡音烏何也

殆或謫之龍伯負骨帝尚窄

之蔡曰窄則格切狹也列子湯問篇龍伯之國有大人舉足不盈數步而暨五山之所一鈞而連六龍合負而趨歸其國灼其骨以數焉帝憑怒侵滅龍伯之國使阮侵小龍伯之民使短

問惟澆在戶何求于嫂

王逸曰澆古多力者也論語曰澆盪舟言澆无義淫佚其

嫂往至其戶佯有所求因與行淫亂也蔡何少康逐

犬而顛隕厥首

王逸曰言夏后少康因田獵放犬逐獸般澆而斷其頭

對澆嫪以力

蔡曰嫪音勞妬也又郎到切說文嫪也聲類嫪嫪戀惜也兄麇聚之

曰蔡

鹿音幽北鹿也禮記故父子聚麇

康假子田肆克字之

問女歧縫裳而館同爰止

王逸曰女歧澆嫂也爰於也言女歧與澆淫泆滿之

縫裳於是共舍而止宿也

何顛易厥首而親以逢殆

王逸曰逢遇也殆危也言

少康夜襲得女歧頭以為澆因斷之故言易首為遇危殆也

對既裳既舍宜咸墜厥首

一無既裳二字

問湯謀易旅何以厚之

王逸曰湯殷王也旅衆也言殷湯欲變易夏衆使之從已

獨何以厚

待之乎

對湯奮癸旅爰以偃拊

蔡曰癸居謀切拊名也偃委羽切拊變甫切偃拊謂矜憐撫按

之也尚書湯與桀戰于鳴條之野

載厥德于葛以詰仇餉

蔡曰詰去吉切問也餉式

亮切饋也尚書仲虺之誥乃葛伯仇餉初征自葛始攸徂之民室家相慶曰僕我后后来其蘇民之戴商厥惟舊哉孟子滕文公篇湯居亳與葛為隣葛怕殺而不祀湯使人問之曰何為不祀曰無以供犧牲也湯使遺之牛羊葛伯食之又不以祀又使人問之曰何為不祀曰無以供粢盛也湯使亳衆往為之耕老弱饋食葛伯率其民要其有酒食黍稷者奪之不殺者殺之有童子以黍肉餉殺而奪之書曰葛伯仇餉此之謂也為其殺是童

子而征之四海之內皆曰非富天下也為匹夫匹婦復
讎也嚴有翼曰言成湯欲變改夏桀之衆何以偃樹而
厚之殊不知湯之厚其衆以德而已所謂以結仇讎是也

問覆舟斟尋何道取之

王逸曰覆反也舟船也斟尋國名也言少康滅斟尋氏

若覆舟獨以何道取之乎

對康復舊物尋焉保之

蔡曰焉於虔切安也左氏傳哀公元年昔有過澆殺斟灌以伐

斟尋滅夏后相后緡方娠逃歸有仍生少康焉為仍牧正能布其德以收夏衆遂滅過戈按此則取斟尋乃有過澆非少康也王逸注非是子厚亦以康復舊物為言豈追之誤也

覆舟喻易尚或艱之

問桀伐蒙山何所得焉

王逸曰桀夏亡主也蒙小國名也言夏桀征伐蒙山之國

而得妹嬉何肆湯何殛焉

王逸曰言桀得妹嬉肆其情意故湯放之南巢也蔡

曰妹莫撒切嬉一作喜許其切晉國語昔夏桀伐有施有施人以妹嬉女焉注有施喜姓之國妹喜其女也

對惟桀嗜色戎得蒙昧淫處暴娛以大啟厥伐

韓曰謂桀伐蒙

山而得妹嬉民棄不保馴致南巢之伐也蔡曰淮南子本經訓湯以革車三百乘伐桀于南巢放之夏臺

問舜閔在家父何以鯀

王逸曰舜帝舜也閔憂也無妻曰鯀言舜為布衣憂憫其

家其父頑母嚚不為娶婦乃至於鯀也蔡曰鯀克頑切獨也

堯不姚告二女何親

王逸曰姚舜姓也言堯不告舜父母而妻之也如今告之則不聽堯女當何親附乎蔡曰孟子云舜不告

而娶為無後也。君子以為猶告也。又云帝之妻舜而不告何也？曰：帝亦知告焉，則不得妻也。伊川程氏曰：舜不告而娶，國不可克，命瞽瞍使舜娶舜，雖不告克國，告之，爾克之，告也。以君治之而已。厥萌在

初何所意焉？

王逸曰：言賢者預見施行萌芽之端，而知其存亡善惡之所終非虛意也。

對瞽父仇舜鰥以不儷

韓曰：謂瞽父仇舜而鰥在下，克以二子妻之也。蔡曰：儷音麗，偶也。

也。堯專以女

蔡曰：女居據切。以女妻人曰女。尚書堯典：女于時觀厥刑于二女。釐降二女於嬀汭。

嬀于庚劉向列女傳：二女，城皇女，英也。

茲俾胥厥世惟蒸蒸翼翼

蔡曰：尚書堯典。

父頑，母嚚，象傲，克諂以孝，烝烝文。

于媯之汭

蔡曰：媯居危切。汭如銳切。媯水之汭，舜之所居也。

問璜臺十成誰所極焉？

王逸曰：璜，石次于王者也。言紂作象箸而箕子歎預知象

著必有玉杯王杯必威熊膽豹胎如此則必崇廣
宮室紂果作玉臺十重糟丘酒池以至于亡也

對紂臺于瑣箕克兆之

蔡曰瑣音黃美玉也紂為瑣臺知其必有亡之兆者箕子也淮

南子本經訓紂為瑣室瑤臺象廊玉牀

問登立為帝孰道尚之

王逸曰言伏羲始作八卦修行道德萬民登以為帝誰開

道而尊尚之也

對惟德登帝師以首之

韓曰謂伏羲有德而民登以為帝洪興祖曰師一作帥登帝謂

匹夫而有天下者舜禹是也

問女媧有體孰制匠之

王逸曰女媧人頭蛇身一曰七十化其體如此誰所制匠

而圖之乎蔡曰蝸古華切古風姓天子也山海經女
媧之腸化為神處栗廣之野注女媧古神女帝人面
蛇身一日中七十變其腸化為此神列子女媧氏人
面蛇身牛首虎鼻此有非人之狀而有大聖之德准
南子黃帝生陰陽上斷生耳目桑
林生擘手此女媧所以七十化也

對蝸軀虺號占以類之胡日化七十工獲詭之

韓曰謂女媧之

事為
詭也

問舜服厥弟終然為害

王逸曰服事也厥其也言舜弟象施行无道舜猶服而事

之然象終
欲害舜也

何肆犬體而厥身不危敗

王逸曰言象無道肆其犬豕之

心燒廩寔并欲以殺舜
然終不能危敗舜身也

對舜弟眡厥仇

蔡曰眡與視同

畢屠水火夫固優游以聖而執

殆厥禍

蔡曰史記舜紀舜父瞽瞍而舜母死瞽更娶妻而生象愛後妻子常欲殺舜舜順事父及後

母與弟日以誑罵劉向列女傳瞽瞍與象謀殺舜使塗康舜告二女二女曰時惟其戕汝時惟其焚女鵲汝衣

蒙烏工往舜既治康旋陷特更焚康舜往飛復使浚井舜告二女二女曰時亦惟其戕汝時其掩汝汝去衣裳

龍工往舜往浚井格其入出從掩舜潛出

犬斷于德

蔡曰斷魚斤切疑當作猶犬闕聲也終不

克以噬昆庸致愛邑鼻以賦富

蔡曰鼻昆至切集韻有庫國名象所封道作鼻

前漢鄒陽傳作有卑並同音孟子萬章篇仁人之於弟也親之欲其貴也愛之欲其富也封之有庫富貴之也

倦遊錄道州永州之間有地名鼻亭去兩州各二百里岸有廟即象祠也

問吳獲迄古南嶽是止

王逸曰獲得也迄至也古謂古公豈父也言吳國得賢君

至古公豈父之時而遇太伯陰讓避王季辭孰期去之南嶽之下求採藥于是遂止而不還也

斯得兩男子

王逸曰期會也昔古公有少子曰王季而生聖子文王古公欲立王季今天命

至文王長子太伯及弟仲雍去而之吳吳立以為君誰與期會而得兩男子兩男者謂太伯仲雍二人也

○去一作失

對嗟伯之仁遜季旅嶽雍同慶厥義以嘉吳國

韓曰謂吳國得

賢者如太伯讓王季而居南嶽之下仲雍亦去而之吳而文王立二子為可嘉也蔡曰伯謂太伯季謂季歷雍謂仲雍也遜季一作遜弟史記吳世家吳太伯弟仲雍皆古公豈父之子而王季歷之凡也季歷賢而有聖子昌

古公欲立季歷以及昌於是太伯仲雍乃奔荆蠻以避季歷自號勾吳荆蠻義之從而歸者千餘家立為吳太

伯雍弟

仲雍立

問緣鵠飾玉后帝是饗

王逸曰后帝謂殷湯也言伊尹始仕因緣烹鵠鳥之羹修

飾玉鼎以事於湯湯賢之遂以何承謀夏桀終以滅

喪

王逸曰言湯遂用伊尹之謀伐夏桀終以滅亡也蔡曰喪音去聲亡也

對空桑鼎殷詔羹厥鵠

蔡曰列子伊尹生于空桑注傳記曰伊尹母居伊水之上既孕

夢神告曰白水出而東走无顧明日視白水出東走十里其邑盡為水身因化為空桑有莘氏女子採桑得嬰兒空桑之中故命曰伊尹獻其君令庖人養之史記殷紀阿衡欲干湯而无由乃為有莘氏媵臣負鼎俎以滋

味說湯致惟軻知言啁焉以為不蔡曰軻孟子名也啁居寬切又音閑視也

與醜同不與否同孟子公孫丑篇敢問夫子惡乎長曰

我知言萬章篇萬章問曰伊尹以割烹要湯有諸孟子

曰否不然吾聞以堯舜之道要湯未聞以割烹也洪興

祖曰伊尹負鼎干湯猶太公屠釣之類於傳有之孟子

不以為然者應後世貪鄙之徒託此以自進仁易愚危

耳若謂初無負鼎之說則古書皆不可信乎

夫曷揆曷謀咸逃叢淵蔡曰孟子離婁篇民之歸仁也猶水之就下獸之走曠也故為

淵陂魚者類也為荒政爵者鰥

也為湯武政民者桀與紂也虐后以劉韓曰謂以仁格惡人將不

謀而從如叢雀淵魚馬蔡曰虐后謂桀也劉說

文殺也揚雄方言秦晉宋衛之間謂殺曰劉

問帝乃降觀下逢伊摯

王逸曰帝謂湯也摯伊尹名也言湯出觀風俗乃憂下民

傳選於衆而逢伊尹舉何條放致罰而黎伏大說王

以爲相也。○摯音至。曰條鳴條也。黎衆也。說喜也。言湯行天下之罰以誅於桀放之鳴條之野。天下衆民大喜說也。

對降厥觀于下匪摯孰承者非伊尹孰承之也條伐巢

放蔡曰書湯誓篇伊尹相湯伐桀遂與桀戰于鳴條之野伊尹訓篇造攻自鳴條朕哉自亳仲虺之詔篇成湯

南巢放桀于南巢民用潰厥疣蔡曰疣于求切贅也以夷于膚夫曷不謠曰

謂鳴巢之伐南巢之放如民之癰疽決而膚革平安無不說者也。蔡曰書仲虺之誥篇攸徂之民室家相慶曰

侯我后后来其蘇孟子滕文公篇誅其君而弔其民若時雨降民大說

問簡狄在臺嚳何宜玄鳥致貽女何喜王逸曰簡狄帝嚳之妃也

玄鳥燕也胎遺也古簡狄侍帝嘗於臺上有飛燕墮遺其卵喜而吞之因生契者也蔡曰嘗苦萬切帝嘗

高辛氏黃帝曾孫也
喜協音去聲悅也

對嘗狄禱禱

蔡曰禱謀杯切說文祭也古者求子祠于高禱

契形于胞

蔡曰契私列切

說文高辛氏子字與高同胞音包又音拋說文兒生裹也

胡乙殷之食

蔡曰乙通作亂玄鳥也殷

居侯丘侯二切說文鳥子生哺者按簡狄所吞者乙卯即非殷也字恐當作殷克角切卯也

而怪焉

以嘉

韓曰謂嘗狄禱禱得契於乙殷何有也蔡曰史記殷本紀契母曰簡狄有城氏之女為帝嘗次妃行

浴見玄鳥墮其卵簡狄吞之因孕生契詩玄鳥篇天命玄鳥降而生商注簡狄配高辛氏帝帝與之所于郊禱

而生
契

次定四庫全書

問該秉季德厥父是臧

王逸曰該包也秉持也父謂其也季末也臧善也言湯能

包持先人之末德脩其祖父之善業故天佑之以為民主也蔡曰子厚之對以該為蓐收然以下文恒秉季德求之則恒既非人名則該豈人名乎子厚之言亦自相戾也按該兼也言習能兼大禹之末德也

對該德脩孝

一作考

蓐收于西

元注曰該為蓐收王逸註誤也

爪虎手鉞

尸刑以司慝

蔡曰左氏傳昭公二十九年少皞氏有四叔曰重曰該曰脩曰熙實能金木及水使

該為蓐收世不失職遂濟窮桑注蓐收金正也該能治其官使不失職濟成少皞之功山海經西方蓐收金神也左耳有毒蛇乘兩龍面目有毛虎爪執鉞國語虢公夢在廟有神人面白毛虎爪執鉞立于西阿公覺召史為占之史焉曰如君之言則蓐收也天之刑神也所取者本此

問胡終弊于有扈牧夫牛羊

王逸曰有扈澆國名也澆滅夏后相相遺腹子

曰少康後為有仍牧正典主牛羊遂攻殺澆滅有扈復禹舊跡祀夏配天也蔡曰按尚書甘誓序啓與有扈戰于甘之野則滅有扈者啓也非少康也又左氏傳襄公四年少康滅澆于過則滅澆者少康也非有扈也明矣今逸之注以為少康殺澆滅有扈誤矣此蓋言禹得天下以捐讓而啓用兵以滅有扈氏有扈氏子孫遂為牧豎也

對牧正矜矜澆扈爰踣

蔡曰踣蒲墨切僅也逸注非是子厚之對豈非亦承其誤歟

問干協時舞何以懷之

王逸曰干求也舞務也協和也懷來也言夏后相既失天

下少康幼小復能求得時務調和百姓使之歸己何以懷來者也

對階干以娛苗草而格不迫以死夫胡扭厥賊

蔡曰扭女久切

相狎也尚書大禹謨篇三句苗民逆命帝乃誕敷文德舞干羽于兩階七旬有苗格

問平脅曼膚

一作受平曼膚

何以肥之

王逸曰言紂為無道諸侯背畔天下乖離

懷憂癯瘦而反形體曼澤獨何以能平脅肥盛乎

對辛后駭狂

蔡曰辛謂紂也駭五駭切童昏也

無憂以肥肆蕩施厥體

而充膏于肌嗇寶被躬焚以旗之

蔡曰史記殷本紀武王伐紂紂兵敗紂走

入登鹿臺衣其寶王之衣赴火而死武王遂以黃鉞斬紂頭懸之太白之旗

問有扈牧豎云何而逢

王逸曰言有扈氏本牧豎之人耳因何逢遇而得為諸侯

乎一作其爰何達洪興祖曰言有
扈之子孫遂為民庶牧夫牛羊也
擊牀先出其命何

從

王逸曰言啓攻有扈之時親於其牀上擊
而殺之其先入失國之原何所從出之乎

對扈釋于牧力使后之

韓曰謂有扈氏釋
牧豎而為諸侯也
民仇焉
蔡

焉於虔切安
也寓一作寓

啓牀以斲

蔡曰斲測畧切斲也韓曰謂有
扈氏不安於民故啓擊之於牀

而殺
之也

問恒秉季德焉得夫朴牛

王逸曰恒常也季木也朴
大也言湯常能秉持契之

末德脩而弘之天嘉其志
出田獵得大牛之瑞也

何往啓班祿不但還來

王

曰營得也班徧也言湯往田獵不但驅馳往
來也還輒以所獲得禽獸徧施惠於百姓也

對殷武踵德爰獲牛之朴

蔡曰朴匹角切說文特牛父也

夫惟陋民是

冒而丕號以瑞卒營而班民心是市

問昏微循迹有狄不寧

王逸曰昏闇也循遵也言人有循闇微之道為淫佚無恥

之行不可以安其身也謂晉大夫解居父也

何繁鳥萃棘負子肆情

王逸曰言

解居父聘乎吳過陳之墓門見婦人負其子欲與之淫佚肆其情欲婦人則引詩刺之曰墓門有棘有鴉

萃止故曰繁鳥萃棘也墓門有棘

雖無人棘上猶有鴉獨不愧也

對解父狄淫遭慙以赦

蔡曰解胡買切父方武切赦乃板切面愧赤也言解父有無恥淫

佚之行也韓曰謂遭應慙之婦寧有不愧報也

彼中之不目而徒以色視

蔡曰劉向

列女傳陳琯女者陳國採桑之女也晉大夫解居使於宋道過陳遇採桑之女止而戲之曰女為我歌吾將舍女乃歌墓門之一章又曰為我歌其二乃歌其二章大夫曰其謀則是其鴆安在女曰陳小國也攝乎大國之間國之以饑饉加之師旅其人且亡而況鴆乎大夫乃服而釋之

問眩弟並淫危害厥兄

王逸曰眩惑也厥其也言象為舜弟眩惑其父母共為淫

佚之惡欲其危害舜也蔡曰兄協音去聲

何變化以作詐後嗣而逢長

王逸

曰言象欲殺舜變化其態內作姦謀使舜治康從下焚之令舜浹井從上寘之終不能害舜舜為天子封象於鼻而後嗣之子孫長為諸侯

對象不兄龍其

蔡曰龔居容切集韻與恭同說文肅也

而奮以謀奮一作肆蓋聖

孰山怒嗣用紹厥愛

蔡曰劉向列女傳韜嫂與象謀殺舜使舜塗康韜嫂焚康使浚井格

其入出從掩舜舜潛出孟子萬章篇仁人之於弟也不藏怒焉不宿怨焉親愛之而已親之欲其貴也愛之欲其富也封之有庠富貴之也韓曰謂象雖肆害舜之謀而舜不藏怒又封之有庠以紹厥愛也

問成湯東巡有莘爰極

王逸曰有莘國名也爰於也極至也言湯東巡狩至有莘

國以為婚姻也何乞彼小臣而吉妃是得

王逸曰小臣謂伊尹也言湯東巡從

有莘氏乞句伊尹因得

吉善之妃以為內輔也

對莘有玉女湯巡爰獲既內克厥合而外弼于德伊知

非妃伊之知臣曷以不識

韓曰對之謂湯東巡狩而得有莘氏之女則有之乞彼小

臣而吉妃是
得為不然也

問水濱之木得彼小子夫何惡之媵有莘之婦

王逸曰小

子謂伊尹媵送也言伊尹母妊身夢神女告之曰白
竈生龜急去无反居无幾何白竈中有生龜母去東
走顧視其邑盡為大水母因溺死化為空桑之林水
乾之後有小兒啼水涯人取養之既長大有殊才有
莘惡伊尹從木中
出因以送女也

對胡木化于母以蜎厥聖

蔡曰蜎胡葛切木中蠹蟲又許蜎切

喙鳴不良

蔡曰喙竹救切說大口也

以詭正盡邑以墊

蔡曰墊都念切溺也

孰譯彼夢

蔡曰

譯夷益切傳言也事見列子注見前韓曰對之意以為
不然謂為是說者是蠹亂厥聖詭說害正未有盡邑以

墊而伊尹生也

問湯出重泉夫何臯尤

王逸曰重泉地名也言桀拘湯於重泉而復出之夫何用

法之不審也

不勝心伐帝夫誰使挑之

王逸曰帝謂桀也言湯不勝衆人之

心而以伐桀誰使桀先挑之也蔡曰挑徒了切倉頡篇挑招呼也或音他凋切撓也

對湯行不類重泉是囚

蔡曰重傳客切前漢志左馮翊有重泉史記桀不務德召湯囚

之夏

違虐立辟

蔡曰辟婢亦切法也

實罪德之由

韓曰謂湯之行與桀異桀故囚

之師憑怒以割癸挑而讎

韓曰謂湯從衆欲以割正有夏桀實有以啓之非湯之所

為忍

問會鼂爭盟何踐吾期

王逸曰言武王欲伐紂紂使膠鬲視武王師膠鬲問曰欲

以何日至殷武王曰以甲子日膠鬲還報紂會天大
雨道難武王晝夜行或諫曰雨甚軍士苦之請且休
息武王曰吾許膠鬲以甲子日至殷今報紂矣以甲
子日不到紂必殺之吾故不敢休息欲救賢者之死
也遂以甲子日朝誅紂不失期也蔡曰鼂與朝同詩
會朝清明書牧誓篇時甲子昧爽武王朝至于商郊
牧野乃誓蒼鳥羣飛孰使萃之

王逸曰蒼鳥鷹也萃集也言武王伐紂將帥勇猛如

鷹鳥羣飛誰使武王集聚之乎
詩曰維師尚父時維鷹揚是也

對膠鬲比鰲

蔡曰鰲音隔人音歷商之賢臣也比毗至
切近也鰲疑當作鰲音釐說文剥也剗也

兩行踐期捧盞救灼

蔡曰盞於
浪切盞也

仁興以畢隨鷹之咸同

得使萃之

問到擊紂躬叔旦不嘉

王逸曰旦周公名也嘉美也言武王始至孟津八百諸侯

不期而到皆曰紂可伐也白魚入于王舟羣臣咸曰休哉周公曰雖休勿休故曰叔旦不嘉也新添楚詞贊說曰呂望周公親相武王率師以伐紂心非不同也師至河上甚而疾雷周公引軍而止之太公曰君何不馳也周公曰天時不順龜璣不兆占筮不吉妖而不祥星變又凶何可馳也故曰叔旦不嘉何

親揆發足周之命以咨嗟

王逸曰揆度也言周公於孟津揆度天命發足還師

而歸當此之時周公之命令已行天下百姓咨嗟歎而美之也周少隱曰言周公何為始親揆度天命以告武王發而卒乃足成周之命令已殺商受旦又咨嗟自歎耶夫湯放桀武王伐紂其事一也孔子之論

韶武獨以武為未盡善而不及湯豈非湯嘗引過自咎以予有慙德且恐來世以台為口實則所以杜百世之亂者猶未忘也武王獨未有一言及此周公所以不嘉豈無其意哉周公之於紂則君也於武王則親也周公豈固猶愛觀之私心而滅君臣之大義哉為天下計也至于足周伐商之命而終于克商者乃以是耳原之言有及於此因疑以問之亦足以見其能明周公之心矣

對頸紂黃鉞

蔡曰史記周本紀武王以黃鉞斬紂頸懸之太白之旗

旦孰喜之民

父有釐嗟以美之

韓曰周公雖幸武王應天順人敘福錫命而咨嗟之詞雖美之而實戒之

也考之周書其詳可得而推矣

問授殷天下其位安施

王逸曰言天地始授殷家以天下其王德位安所施用乎

善施若

湯也

反成乃亡其罪伊何

王逸曰言殷王位已成反覆亡之其罪惟何乎

罪若

紂也

對位庸庇民仁克泄之紂淫以害師殛祀之

韓曰謂武王之仁足

以庇民而紂之不道衆所共棄也蔡曰圯郛鄙切毀也

問爭遣伐器何以行之

王逸曰伐器攻伐之器也言武王伐紂發遣干戈攻伐之

器爭先在前獨何以行之乎

並驅擊翼何以將之

王逸曰言武王三軍衆戰並載

馳載驅赴敵爭先前歌後舞鳧藻謹呼奮擊獨何以將率之也蔡曰太公六韜曰翼其兩傍疾擊其後

擊翼蓋兵法也鳧藻謹呼一作如鳥噪呼

對咸逭厥死爭祖器之翼鼓顛禦讎舞靡之

韓曰謂天下咸避虐

政而干戈攻伐之器皆爭先而行前歌後舞鳧藻讎呼奮擊其翼而不自知也蔡曰逭胡玩切逃也讎一本作誰

問昭后成遊南土爰底

王逸曰爰於也底至也言昭王背成王之制而出遊南至

於楚楚人沉之而遂不還也

厥利惟何而逢彼白雉

王逸曰厥其也逢迎也言

昭王南遊何以利于楚乎此為越棠氏獻白雉昭王德不能致欲親往逢迎之乎

對水濱翫昭荆陷弑之

蔡曰昭謂周昭王也左氏傳僖公四年齊侯伐楚管仲曰昭王

南征而不復寡人是問楚子曰昭王之不復君其問諸水濱注昭王成王之孫南巡至于楚楚人以膠船載之

涉漢船壞而溺史記昭王之時王道微缺南巡不返卒於江上其卒不赴告諱之也繆迺越棠疇

肯雉之

蔡曰後漢書交趾之南有越棠國周公居攝越棠重譯而獻白雉昭王不顧其德不能致乃南

巡狩欲親迺越

棠而求白雉焉

問穆王巧梅

蔡曰穆謂周穆王也梅亡改切其字從手揚雄方言貪也集韻悔母罪切慙也

梅母海切貪也諸本作梅釋文

每磊切其字從木傳寫誤耳

夫何為周流

王逸曰梅貪也言穆

王乃巧於辭令貪好攻伐遠征犬戎得四百狼四曰鹿角是後夷狄不至諸侯不朝穆乃更巧調周流而

往說之欲環理天下夫何索求

王逸曰環旅也言王者當修道德以來四

方穆王何為乃周旋

天下而求索之乎

對穆惜祈招

蔡曰惜母亘切不明也招常操切又音招逸詩篇名祈父周之司馬世掌甲兵之職

招其名也左氏傳昭公十二年穆王欲肆其志周行天下將必有車轍馬迹焉蔡公謀父作祈招之詩以止王

心是以獲沒於祗宮

猖洋以游輪行九野惟怪之謀

蔡曰史記穆王得騏驎溫驪

騏驎耳之駟西巡狩樂而忘歸

胡紿娛載勝之獸觴瑤池以迭謠

蔡曰

紿徒愷切欺也載音戴禮記載與戴同山海經西王母狀如人豹尾蓬頭戴勝善嘯居洵水之涯前漢司馬相如大人賦吾乃今日觀西王母暱然白首戴勝而穴處兮注勝婦人首飾也穆天子傳天子見西王母觴于瑤池之上西王母為王謠曰白雲在天山陵自出道理修遠山川間之將子無死尚能復來天子答曰予歸東土和治諸夏萬民平均吾願見汝此所謂之迭謠也韓曰按列子載穆王肆意遠遊命駕八駿之乘馳驅千里至

於巨蒐氏乃獻白鵠之血以飲王具牛馬之漚以洗王之足遂宿于崑崙之阿觀黃帝之宮遂賓于西王母觴于瑤池之上西王母為王謠王和之其詞哀馬此對問之所交識也

問妖夫曳街何號乎市

王遂曰妖怪也號呼也昔周幽王前世有童謠曰縻孤箕

服實亡周國後有夫婦賣是器以為妖怪執而曳戮之於市也

周幽誰誅焉得夫褒

如二神龍止於夏庭而言曰余褒之二君也夏帝卜請其策而藏之於是龍亡而策在積而去之傳至三代莫敢發至厲王之末發而觀之策流于庭化為玄龜以入王宮後宮童妾既亂而遭之既笄而孕無夫而生子懼而棄之宣王之時童女謠曰縻孤箕服實亡周國於是聞之有夫婦賣是器者使執而戮之逃於道而見鄉者後宮童妾所棄妖子哀而收之亡辟

於裒裒人有罪請人童妾所棄女子者於王以贖罪
是為裒如王見而愛之生子伯服竟廢申后以裒如
為后後西夷犬戎
遂殺幽王驪山下

對孺賊厥誅爰歷其孤

蔡曰歷於算切山桑木也孤音胡木弓也

幽禍挐以

夸

蔡曰幽謂幽王也挐女居切牽引也

憚裒以漁淫嗜蕞殺

蕞莫結反

諫尸謗

屠孰鱗虬以徵

蔡曰策音瘕龍吐沫也

而化龍是辜

蔡曰龍魚衣切似龍而大

事詳見史記周本紀韓曰對問之意蓋罪幽王淫刑嗜殺以自取滅亡未可盡歸之於妖夫化龍之徵也龍似龍而大

問天命反側何罰何佑

王逸曰言天地神明降與人

者罰之

對天邈以蒙人么以離

蔡曰么音私說文姦裏也韓非子曰倉頡造字自營為么通作

私一本作么伊亮切小也么當作么

胡克合厥道而詰彼尤違

問齊桓九會卒然身殺

王逸曰言齊桓公九合諸侯一匡天下任豎刁易牙子孫

相殺姦流出尸一人之身一善一惡天命無常罰佑之不常也

對桓號其大任屬以傲幸良以九合逮孽而懷

韓曰謂齊桓九

合諸侯震而矜之幾者九國卒至見殺非天道之無常亦其自取然也蔡曰論語孔子曰桓公九合諸侯不以兵車九合之說國語兵車之會六乘車之會三史記兵車之會三乘車之會六穀梁傳衣裳之會十有一范甯

注莊公十三年會北杏十四十五年會鄆十六年二十七年會幽
僖公元年會榘二年會貫三年會陽穀五年會首戴七
年會甯母九年會葵丘凡十一會不取北杏及陽穀為
有九也孫明復尊王發微桓公之會十有五范甯所言
之外僖公八年會洮十三年會鹹十五年會牡丘十六
年會淮是也孔子止言其九者蓋十三年會北杏桓始
圖伯其功未見十四年會鄆又是伐宋諸侯會洮會鹹
會牡丘會淮皆有兵車也故止言其會之盛者九焉

問彼王紂之躬孰使亂惑

王逸曰惑姐已也

何惡輔弼讒諂

是服

王逸曰服事也言紂惡輔弼不用忠直之言而專用讒諂之人也

對紂無誰使惑惟志為首逆圖倒視輔讒以僂寵

諸本多無

僂

問比干何逆而抑沈之

王逸曰比干聖人紂諸父也諫紂紂怒乃殺之剖其心也

雷開何順而賜封之

王逸曰雷開佞臣也阿順於紂乃賜之金玉而封之也。或作

而賜封之金

對干異召死

蔡曰劉向新序紂作炮烙之刑比干曰主暴不諫非忠臣也畏死不言非勇士也見

過則諫不用則死忠之至也遂諫三日不去朝紂囚而殺之史記殷本紀紂愈淫亂比干曰為人臣者不得不以死爭迺強諫紂怒曰吾聞聖人

雷濟克后

韓曰謂紂自惑亂棄

賢用讒比干諫而死雷開佞而用也

問何聖人之一德卒其異方

王逸曰聖人謂文王也卒終也言文王仁聖能

純一其德則天下
異方終皆歸之也

梅伯受醢箕子佯狂

王逸曰梅伯紂諸侯也言

梅伯忠直而數諫紂紂怒乃殺之醢醢其身箕子見之則被髮佯狂也蔡曰梅音免紂諸侯號醢音海肉醬

對文德邁以被芮鞠順道

韓曰謂文王之德純一虞芮質厥成而天下無異志也蔡

曰文謂文王也芮如銳切謂虞芮也鞠居六切說文窮理罪人也詩大雅綿之八章虞芮質厥成注虞芮之君爭田久而不平乃相謂曰西伯仁人也曷往質焉乃相與朝周入其境則畊者讓畔行者讓路入其邑男女異路班白不持挈入其朝士讓為大夫大夫讓為卿二國之君感而相謂曰我等小人不可以復君子之庭乃相讓以其所爭為閒田而退 醢梅奴箕 蔡曰淮南子淑真訓禁紂燔生人辜

天下間而歸者四十餘國 諫者醢鬼侯之女茲梅伯之骸史記紂為淫泆箕子諫不聽乃被髮佯狂為奴遂隱而鼓琴以自悲 忠威

喪以醜厚

韓曰此兩語疑當與前紂讒諂是服事文理相屬對亦隨問意耳

問稷維元子帝何篤之

王逸曰元大也帝謂天帝也篤厚也言后稷之母姜嫄出

見大人之迹怪而履之遂有娠而生后稷后稷生而仁賢天帝獨何以厚之乎蔡曰篤一作竺爾雅竺厚

也與篤同投之于冰上鳥何燠之

王逸曰投棄也燠溫也言姜嫄以后稷無父而

生棄之於冰上有鳥以翼覆薦溫之以為神乃取而養之詩曰誕寔之寒冰鳥覆翼之蔡曰燠音郁熱也

對棄靈而功篤胡爽焉

蔡曰棄后稷名詩生民篇厥初生民時惟姜嫄生民如何克禋

克祀以弗無子履帝武敏歆攸介攸止載震載肅載生載育時維后稷誕彌厥月先生如達以赫厥靈上帝不寧不康禋祀居然生子誕寔之隘巷牛羊腓字之誕寔之平林會伐平林誕寔之寒冰鳥覆翼之鳥乃去矣后

稷賦矣史記周本記后稷其母有郃氏曰姜嫄為帝嚳
妃出野見巨人跡心忻然說欲踐之踐之而身動如孕
者居期而生子以為不翼冰以炎盍崇長焉

問何馮夸挾矢殊能將之

王逸曰馮大挾持也言后稷長持大強弓挾箭矢桀

然有殊異將相之文才洪興祖曰此與下文相屬馮
如上父馮珧之馮言武王多材多藝能馮弓挾矢而
將之以殊能者武王也子既驚帝切激何逢長之
厚引詩以對承逸之誤也既驚帝切激何逢長之
王逸曰帝謂紂也言武王能奉承后稷之業致天罰加誅
於紂切激而數其過何逢後世繼嗣之長也。切一
本作功

對既岐既嶷

蔡曰嶷一作嶷魚力切詩克岐克嶷小兒有知識之貌

且庸將焉紂

山以啓武紹尚焉

韓曰謂紂有凶德武王能紹后稷之業也

問伯昌號衰秉鞭作牧

王逸曰伯昌謂文王也秉執也鞭以喻政言紂號令既衰

文王執鞭持政為雍州之牧也

何令徹彼岐社命有殷之國

王逸曰徹壞也

社土地之主也言武王既誅紂令壞卻岐之社言已受天命而有殷國從以為天下大社也

對伯鞭于西

蔡曰尚書西伯戡黎正義曰西伯文王也時國于岐封為雍州伯國在西故曰西伯

史記殷紀紂以西伯為三公賜弓矢斧鉞使得專政伐

化江漢

蔡曰漢音虎說文水厓也詩漢

廣篇文王之道被于南國美化行乎江漢之域

易岐社以太

蔡曰太音泰岐在右扶風美陽中水

卿禮記曰王為羣姓立社曰太社岐魯有社矣至武王誅紂然後能易岐社以為太社因岐山以名太王自豳

徙國之命以祚武韓曰謂文王之東政化行乎江

問遷藏就岐何能依

王逸曰言文王始與百姓徙其寶藏來就岐下何能使其民依

倚而隨之也

對踰梁橐囊羶仁蟻萃

韓曰謂民歸文王如蟻慕羶也蔡曰詩公劉篇迺積迺倉迺裹

穰糴于橐于囊孟子梁惠王篇昔者太王居邠狄人侵之事之以皮幣犬馬珠玉不得免焉邠人曰仁人也不可失也從之者如歸市嚴有翼曰公劉之居邠也居之有積倉行者有裹糴至太王為狄人所侵去邠踰梁山邑於岐山之下居焉則遷藏就岐乃王迹之所化也故歸市之衆如蟻之慕羶也莊子徐無鬼篇蟻慕羊肉羊也

問殷有惑婦何所譏王逸曰惑婦謂妲己也譏諫也言妲己惑誤於紂不可復譏諫也

對妲滅淫商痛民以亟去

蔡曰妲丹達切紂妲己也痛音敷又普吳切病也亟訖

力切疾也國語殷辛伐有蘇有蘇氏以妲己女馬殷辛惑之毒痛四海故民皆亟去

問受賜茲醢西伯上告

王逸曰茲此也西伯文王也言紂醢梅伯以賜諸侯文王

受之以祭告何親就上帝罰殷之命以不救

王逸曰上帝謂

天帝也言天帝親致紂之罪罰故殷之命不可復救也一作上帝之罰

對肉梅以頒烏不台訴

蔡曰烏恐作曷台音怡我也史記殷本紀紂醢九侯并脯鄂侯

西伯聞之竊嘆紂囚西伯姜里淮南子
傲真刻紂醢九侯之女菹梅伯之骸

孰盈癸惡兵躬

殄祀

蔡曰癸疑當作紂按此正言紂事而云癸惡恐傳

于天此天所以親致紂之罰故殷之
命至于絕而不續也殄與殄同

問師望在肆昌何志

王逸曰師望謂太公也昌文王
名也言太公在市肆而屠文王

何以志知之乎

鼓刀揚聲后何喜

王逸曰后謂文王
也言呂望鼓刀在

○志一作識

列肆文王親往問之呂望對曰下屠屠牛上屠屠國
文王喜載與俱歸也蔡曰識音誌記也一作志喜恟

音去聲

悅也

對牙伏牛漁

蔡曰史記齊世家太公呂望尚者東海上
人姓姜氏以漁釣于西伯西伯出獵遇太

公於渭陽索隱引燕周曰姓姜名牙戰國策太公望老婦之逐夫朝歌之廢屠淮南子太公之鼓刀注河內汲人有屠積肉以外萌岐目厥心瞭眦顯光蔡曰瞭盧皎切目明也眦與視同韓曰謂太公望隱於屠牛漁於渭濱有諸中而形諸外文王以心識之童曰瞭音了周官有眦瞭奮力屠國以髀髀厥商蔡曰髀音陞又必爾切股骨也髀音寬髀上也前漢賈誼傳屠牛坦一朝解十二牛而芒刃不頓者所排擊剝割皆衆理解也至於髀髀之所非斤則斧也注言其骨大故須斤斧也

問武癸殺殷何所悒

王逸曰言武王癸欲誅紂何所悒悒而不能久忍也載尸

集戰何所急

王逸曰尸主也集會也言武王伐紂載文王木主稱太子癸急欲奉行天誅為

民除
害也

對發殺昌逞寒民于烹惟栗厥文考而虔子以祖征

韓曰

謂武王伐殷欲救民於唐炤中在文王則慄慄危懼有所不敢在武王則不敢不敬承文謨以卒此武功也故載文王木主以討紂有所不得已焉也蔡曰發武王名也栗謂以栗為主也史記武王東觀兵至于盟津為文王木主載以車中軍武王自稱太子發言奉文王以伐不敢自尊也

問伯林雉經維其何故

王逸曰伯長也林君也謂晉太子申生為後母驪姬所譖

遂雉經而自殺

何感天抑墜

籀文地字

夫誰畏懼

王逸曰言驪姬譖殺申生其寃

感天又譖逐羣公子當復誰畏懼也

對中諧不列恭君以雉

蔡曰左氏傳晉獻公伐驪戎驪戎男女以驪姬歸生奚齊驪姬

嬖欲立其子使太子居曲沃姬謂太子曰君夢齊姜必

速祭之太子祭于曲沃歸胙于公姬毒而獻之泣曰賊

由太子太子奔新城十二月戊申縶于新城國語雉經

于新城之廟注雉經頭捨而懸死也禮記曰再拜稽首

乃卒是以為胡嬪詵蜋賊

蔡曰嬪音引又音演嬪與蜋同蜋也嬪說文云蟲側行

恭世子也胡嬪詵蜋賊

者蜋音要又音而

饒人腹中蟲而以變天地

韓曰以嬪蜋二蟲譬驪姬之諧謂豈讒說何以變天

問皇天集命惟何戒之

王逸曰言皇天集祿命而生與王者王者何不常畏慎而

戒懼

也受禮天下又使至代之

王逸曰言王者既循行禮義受天之命而王有

天下矣又何為至
使他姓代之乎

對天集厥命惟德受之脩怠以棄天又祐之

韓曰謂皇天惟相有

德以集厥命後世子孫不能恐懼以自棄則將祐下民而作之君所不免也

問初湯臣摯後茲承輔

王逸曰言湯初舉伊尹以為凡臣耳後知其賢乃以備輔

翼承疑用其謀也

何卒官湯尊食宗緒

王逸曰卒終也緒業也言伊尹佐湯命終

為天下尊其先祖以王者禮樂祭祀緒業流于子孫者乎

對湯摯之合祚以久食昧始以昭末克庸成績

蔡曰摯伊尹名

也

問勲闔夢生少離散亡

王逸曰勲功也闔吳王闔廬也夢闔廬祖父壽夢壽夢卒

太子諸樊立諸樊卒傳弟餘祭餘祭卒傳弟夷末夷末太子王僚立闔廬諸樊之長子也怨不得為王少離散亡故在外乃使專諸刺王僚代為吳

何壯武厲

能流厥嚴

王逸曰壯大也言闔廬少小離亡何能壯大厲其勇武流其威也

對光徵夢祖

蔡曰光謂吳公子光即闔廬也夢莫公切謂壽夢也史記吳世家吳自太伯十九世

至壽夢始益大稱王壽夢卒長子諸樊立卒傳至王僚立公子光者諸樊之子也常以為光父先立當傳至光乃陰納勇士專諸殺僚而

憾離以厲彷徨激覆

蔡曰彷徨黃切

代立是為吳王闔廬也

復音

而勇益德邁

韓曰闔廬名光壽夢之孫也言闔廬少小被放於外不得立及其壯

皇

大終能厲其武
勇以大吳國也

問彭鏗斟雉帝何饗

王逸曰彭鏗彭祖也好和滋味善斟雉羹能事帝堯帝堯美而

饗食之茶曰鏗丘耕切饗叶音香歆也

受壽永多夫何久長

王逸曰言彭祖進雉

羹於堯堯饗食之以壽考彭祖至八百歲猶自悔其不壽恨枕高而睡遠也孫曰神仙傳彭祖姓篋名鏗帝顓頊之玄孫善養生性能調鼎進雉羹於堯堯封於彭城歷夏經商至周年七百六十七而不衰鐵音籊

對鏗羹于帝聖孰嗜味夫死自暮而誰饗以俾壽

韓曰謂王

逸所注為無是理也

問中央共牧后何怒

王逸曰牧草名也后君也言中史之州有岐首之蛇爭共食牧

草之實自相啄噬以喻蠻夷相與忿爭君上何故當怒之乎 蠱蟻微命力何固 王逸

曰言蠱蟻有蝥毒之蟲受天命負力堅固屈原以喻蠻夷自相毒蝥固其常也獨當憂秦吳耳新添楚辭贊說曰王逸注無所據引不可信原意謂中央者中國也共牧者共九州之牧也若使中國共牧無所戰爭則君何怒而有討乎今蠱蟻微命而好爭其力甚固蓋蠱有毒而蟻好鬪故也以喻上失其政九州無牧諸侯戰爭不可禁止以譏當時之事耳或謂原因見楚之宗廟有歧首之蛇如今古祠中多畫毒蛇怪物之類者故因以諷焉不可知也蔡曰蠱音岑蟻或作蛾蟻古蟻字蝥音若痛也

對蠅齧已毒

蔡曰蠅胡對切說文蠅蝟也古今字話蠅古虺字韓非子蟲有蠅者一身兩口爭食

相齧遂相殺也 齧倪結切噬也

不以外肆細腰羣螫

蔡曰螫式亦切蟲行毒也博物志細

腰蜂無雌雄之類取衆蟲及
阜螽之子抱而為已子也 夫何足病

問驚女采薇鹿何祐

王逸曰祐福也言昔者有女子采薇菜有所驚而走因獲得鹿

其家遂昌熾

北至回水萃何喜

王逸曰萃止也言女子驚而北走至於回

蒙天祐之

水之上止而得
鹿遂有福喜也

對萃回偶昌鹿曷祐以女

韓曰對以為避禍得鹿亦偶然耳

問兄有噬犬弟何欲

王逸曰兄謂秦伯也噬犬嚙犬也弟秦伯弟鍼也言秦伯有嚙

犬弟鍼

易之以百兩卒無祿

王逸曰言秦伯不肯與弟鍼犬鍼以百兩金易

之而又不聽因遂
鍼而奪其祿也

對鍼欲兄愛以快侈富愈多厥車卒逐以旅

元注問云百兩謂車

也王逸以為百兩金誤也蔡曰鍼其鹽切秦后子也兩音亮車數也秦秋昭公元年夏秦伯之弟鍼出奔晉左氏傳罪秦伯也晉國語秦后子來仕其車千乘后子即鍼也

問薄暮雷電歸何憂

王逸曰言屈原書壁所問略訖日暮欲去時天大雨雷電思念

復至自解曰歸何憂乎洪興祖曰薄暮喻年將老也雷電喻君暴惡也歸何憂者自寬之辭也厥嚴

不奉帝何求

王逸曰言楚王惑信讒佞其威嚴當日墮不可復奉成雖從天帝求信神無如

之伏匿穴處爰何云

王逸曰爰於也云言也吾將退於江濱伏匿穴處耳當復何言

乎荆勲作師夫何長先

王逸曰荆楚也師衆也勲功也初楚邊邑處女與吳邊邑

處女爭採桑于境上相傷二家怒而相攻於是楚為此興師攻滅吳之邊邑而怒始有功時屈原又諫言我先為不直怒不可長久也一無先字蔡曰史記吳世家吳王僚九年公子光伐楚拔居巢鍾離取兩都而去言楚雖有功吳復伐楚非長久之策也此楚平王時事屈原徵往事以諷耳

悟過改更

我又何言

王逸曰欲使楚王覺悟也

對客吟于野胡若之很

童曰很戾也。很戶懇切

嚴隆誼殄丁厥任

韓曰閔原當此禮義消亡之時也

合行違匿固若所咍

蔡曰咍音伊

也忿毒意誰與

韓曰謂原伏匿草野尚興詞致情欲何為也

醜齊徂秦咍厥

詐讒

蔡曰咍徒濫切與噉同說文食也

登校庸咈以施

蔡曰咈甫物切違也

甘恬

禍凶亟鋤夷懷不可化徒若罷

韓曰謂楚懷王之時秦欲伐齊與楚從親意王

患之乃令張儀厚幣事楚絕齊願獻商於之地六百里楚懷王貪而信張儀遂絕齊使使如秦受地張儀詐之曰儀與王約六里不聞六百里懷王怒舉兵伐秦大敗于丹陽明年秦割漢中地與楚以和時秦昭王欲與懷王會王欲行屈原諫之曰秦虎狼之國不可信不如無行懷王信子蘭言竟行遂死于秦此對之意所以詳言用原當日諫之不聽以至於斯云爾

蔡曰懷弼力切狠也罷讀曰疲勞也

問吳光爭國久余是勝

王逸曰光閼廬名言吳與楚相伐至於閼廬之時吳兵入

郢都昭王出奔故曰吳光爭

國久余是勝言久勝我也

對閼綽厥武滋以侈類

蔡曰閼謂吳王閼廬也楚昭王十年吳王閼廬伐楚楚大敗吳

兵遂
入郢

問何環穿自閭社丘陵爰出子文

王逸曰子文楚令尹也子文之母鄭

公之女族穿閭社通於丘陵以淫而生子文棄之夢中有虎乳之以為神異乃取收養焉楚人謂乳為闕殺謂虎為於菟名闕殺於菟字子文長而有賢人之才也蔡曰一作何環閭穿社以及丘陵是淫是蕩爰出子文穀如口切

於音烏菟音徒

對於菟不可以作怠焉庸歸

元注問曰爰出子文哀今無此人但任子蘭也蔡曰

左氏傳宣公四年初若敖娶于郢生鬬伯比若敖卒從其母畜于郢淫于郢子之女生子文焉郢夫人使棄諸夢中虎乳之郢子田見之懼而歸夫人以告遂使收之楚人謂乳為穀謂虎為於菟故命之曰闕殺於徒以其

女妻伯比實
為令尹子文

問吾告堵敖以不長

王逸曰堵敖楚閭人也屈原放逐時語堵敖曰楚國將衰不復

能父
長也

對款吾敖之闕以旅尸

元注楚人謂未成君而死曰敖堵敖楚文王兄也今哀懷王將

如堵敖不長而死以此告之逸注以為堵敖為楚閭人
大謬藤夢弼曰闕為葛切塞也止也按左氏傳莊公十
四年楚子滅息以息嬀歸生堵敖及成王馬楚子文王
也莊公十九年杜敖立二十三年成王立杜敖即堵敖
也則堵敖乃成王之兄子厚以為文王兄亦誤矣楚懷
王為秦昭王所詐令會武關強留之要以割地懷王卒
死于秦此所謂
謂旅尸也

問何試上自予忠名彌彰

王逸曰屈原言我何敢嘗
試君上自號忠直之名以

顯彰後世乎哉以同姓之故中心懇惻
義不能已也。試一作誠予一作與

對誠若名不尚曷極而辭

韓曰謂屈原苟無尚名之心
則天問曷極其辭如此。一

本云食姑不失
聖人胡桂不道

五百家註柳先生集卷十四

欽定四庫全書

五百家註柳先生集卷十五

問答

晉問

韓曰公晉人實以克之故都為重故說武陵之
問而悉以晉之名物對一曰晉之山河表裏而
險固二曰晉之金鐵甲堅而刃利三曰晉之名
馬其強可恃四曰晉之北山其才可取五曰晉
之河魚可為偉觀六曰晉之鹽實可以利民七
又先言文公霸業之盛而後以克之遺風終焉
其為文可謂工矣補注晁元咎嘗取此文附續
楚詞其系有曰杖乘七發蓋以微諷吳王濞毋

反晉問亦七蓋故七發以諷
時君薄事役而隆通寶云

吳子問於柳先生曰

童曰吳子武陵

先生晉人也

童曰公河東人

晉之故

宜知之

故下一有封字

曰然然則吾願聞之可乎曰可晉之故

封太行擠之

韓曰太行在澤州晉城縣一云在懷州修武縣西北則此山當在二州之界也孫曰漢

地理志太行山在河內山陽縣西北擠謂擠角也。擠舉轉切

首陽起之

韓曰首陽山在河東蒲阪

縣華山之北

黃河迤之

韓曰黃河之源出自崑崙循雍州北微達華陰至於德州而入

河曲之中

於河晉地蓋當河之曲也說文云迤邪行也。○迤移岡切

大陸靡之

孫曰書大陸既作漢地理志在

鉅鹿縣北澤名也韓曰按通典在趙州昭慶縣即隋大陸

縣也有大陸澤又云涿州有陸澤縣大陸亦在此則此

澤當在二州之界也
靡釋文云靡曼也

或巍而高或呀而淵

童曰呀張口也○呀虛加

切景霍汾澮

孫曰晉語景霍以為城汾河涑澮以為淵注曰景大也景霍謂霍太山在河東猗縣

汾河涑澮
四水名

以經其塢

張曰說文塢城下田也○塢如緣切

若化若遷鈞嬰

蟬聯然後融為平川而侯之都居

孫曰晉侯之國

大夫之邑建

焉其高壯則騰突撐拒

童曰撐袞柱也拒捍也○撐抽庚切拒音巨

聳岢鬱

怒

童曰聳語不入也岢岢山深貌○聲五交切岢許加切一本有焉字

若熊羆之咆

熊音雄羆

音碑咆音虎咆也

虎豹之咆

音

終古而不去搜秦搏齊

張曰搜持也厥

縛

當者失據燕狄惴怯若卵就壓

孫曰若泰山之壓累卵○就一作甄

振振業業觀闕蹠戶

張曰觀伺視也蹠蹈也
○觀七處切蹠達協切

惕若僕妾

其按行則平盈旋緣紆徐夷延若飛戴之翔舞

戴余專切與薦

同
泗水之容與

張曰泗說文云庠泗也
釋文逆流而上泗音四

以稼則碩以植

則茂以牧則蕃以畜則庶而人用是富而邦以之阜其

河則濬源崑崙入於天淵

黃河見上注

出乎無門行乎無垠

自匈奴而南以界西鄙

孫曰匈奴單于在晉之西

衝奔太華

韓曰太華即華

岳也在晉之西

運肘東指混潰后土

童曰混音渾潰胡對切散也

潰濁糜沸

張曰潰湧也音汾又房吻切

鼃鼃詭怪

童曰鼃似鼃而大鼃水蟲力至猛能攻陷河岸○鼃音元

𨔵徒
河切

于于汨汨騰倒駛越

張曰駛馬足疾貌音佚

委泊涯溪

童曰溪水

涯音
侯

呀呬欬納

童曰呀張口也呬吸呬也欬大嗽也

推

雜失墜其所蕩激則連山參差廣野壞裂轟雷努風

轟

宏撼鵠干巘

張曰撼搖也尸感切鵠字諸韻無之
一本作頷釋云頷下也音憾巘音要

崩石

之所轉躍大木之所擢拔湍汧洞踏者

童曰湍水激有聲汧亦水鳴聲

○滿披明切汧白明切與汧通踏音香

彌數千里若萬夫之斬伐而其軸

轡之所負

韓曰轡船前刺權處軸船後施柁處又漢律名船方長為軸轡二字皆當從舟音逐盧

種檣之所御

童曰檣船桅也音檣種傳江切

鱗川林壑隳雲遁雨瞬目

而下者

韓曰瞬搖目也音舜

榛榛汙汙

榛音恭一本作漆音同汙音云

百舍一赴

若是何如吳子曰先生之言豐厚險固誠晉之美矣然

晉人之言表裏山河者

孫曰僖公二十六年左氏子犯曰若其不捷表裏山河必無害

也

備敗而已非以為榮觀顯大也吳起所謂在德不在

險

孫曰史記魏武侯浮西河而下謂吳起曰美哉山河之固此魏國之寶也起曰在德不在險也

此晉

人之藉也

藉或作籍云籍記也

願聞其他

先生曰太鹵之金

孫曰太鹵太原晉陽縣○鹵音魯

棠谿之工

韓曰棠谿屬蔡

州孫曰史記蘇秦說韓宣惠王曰韓卒之劍戟皆出於冥山棠谿徐廣曰汝南吳房有棠谿亭

火化水

淬

童曰淬滅火取內切

器備以充為棘

童曰棘即戟也

為矛

孫曰說文云前矛也建於

兵車長二丈

為鍛

孫曰長矛曰鍛音殺

為鈞為鏑

童曰箭鏑

為鏃為

晏本少一字宣

獻本无為鏃為三字

為鏃

孫曰說文云矢金鏃翦羽曰鏃音侯

出太白

孫曰太白星名注西漢志

太白兵象也

徵蓐收

孫曰昭二十九年左氏吳氏之子曰該為蓐收西方之神

召招搖

孫曰招搖北斗七星也春秋運斗樞云北斗七星第一天樞第二旋第三機第四權第五衡第六開陽第七搖

光搖光即招搖也韓曰番志招搖主胡兵

伏蚩尤

孫曰漢武帝建元六年蚩尤之旗見其長亘天蚩尤

彗星韓曰隋志旋星散為蚩尤旗見則王者征伐四方

肅肅裊裊

山宜切一本作祁祁

合衆

靈而成之博者狹者曲者直者岐者勁者長者短者攢

之如星奮之如霆運之如縈浩浩弈弈淋淋滌滌

童曰淋以

水沃也滌洒也○

熒熒的的

熒音螢

若雪山冰谷之積觀

淋音林滌音迪

者膽掉

徒巾切

目出寒液

童曰液淚也

當空發耀英精互繞晃

蕩洞射天氣盡白日規為小鑠雲破霄

鑠式灼切

跼墜飛鳥

韓曰漢書飛鳥跼跼墜水中釋文跼跼落也○跼都牒切又它協切

弓人之弓函人之

甲膠角百選犀兕七屬

孫曰周禮弓人為弓取六材必以其時角也者以為疾也膠也

者以為和也正人為甲犀甲七屬兕角六屬○屬音注

乃使跟超掖夾之倫

童曰跟足

踵音根夾音扶

服而持之南瞰諸華

張曰瞰遠視也若濫切

北警羣夷

韓曰

擊失氣言

技擊節制

孫曰荀子齊之技擊不可以遇魏之武卒魏之武卒不可以當桓文

也質涉切

之節制

聞於天下是為善師延目而望之固以拳拘喘汗

免胄肉袒進不敢降退不敢竄若是何如吳子曰夫兵

之用由德則吉由暴則凶是又不可為美觀也先軫曰

師直為壯曲為老

韓曰僖二十八年左氏子犯曰師直為壯曲為老此云先軫言恐誤

徒以堅甲利刃之為上哉

先生曰晉國多馬屈馬是產

孫曰僖二年左氏晉荀息請以屈產之乘假道於虞

以伐虢杜預注屈晉地名生良馬

土寒氣勁崖坼谷裂草木短縮鳥獸

墜匿而馬蕃焉師師執執

重曰執進也音執

溶溶紘紘輻輳

轉

輻音雷轉音陣

或赤或黃或玄或蒼或醇或駟

張曰駟雜也莫江切黥

然而陰

童曰黥黑也音掩

炳然而陽若旌旃旗幟之煌煌

幟音侈

乍進乍止乍伏乍起乍奔乍躡

張曰躡路也音致

若江漢之水

疾風驅濤擊山盪壑

盪音蕩又它浪切

雲沸而不止羣飲源槁

童曰源

槁水竭

迴食野赭

張曰赭赤也音者

浴川蹙浪噴震播灑

韓曰噴鼓

鼻也音問切

漢字音洒

潰潰焉若海神駕雪而來下觀其四散惝

恍

韓曰惝恍狂貌上蓋兩切本作敞下許往切

開合萬狀喜者鵠厲怒者人

搏決然全躍

全蒲切

千里相角風駿霧鬣

駿祖紅切
鬣音獵

斲山

扶壑

童曰斲斲也音燭

耳搖層雲腹捎衆木寂寥遠遊不夕而

復攫地跳梁堅骨蘭筋交頸互齧

祝結切

鬬目相馴聚洩

更噓昂首張斷其小者則連牽繳繞

上古了切
下兩治切

仰乳俯

齧

童曰齧齧也下沒切

蟻雜螽集

童曰螽螽也音終

啾啾漶漶

韓曰上林賦漶漶鼎

沸注謂水激也○漶七立切啾即由切

旅走叢立其材之可者收斂攻教

掉手飛縻指毛命物百步就羈牽以荀息

孫曰見傳二年穀梁傳

御以王良

孫曰哀二年左氏郵良曰我兩期將絕吾能止之我御之上也

超以范鞅

孫曰

襄二十三年左氏范缺逆

軒以樂鉞

孫曰咸十六年左氏步穀御晉厲公

魏舒請駮乘持帶遂起乘

樂鉞為右掖公以出於渾韓曰已上

以佃以戎獸獲敵

四公皆晉之臣○樂音鸞鉞音鈴

推若是何如吳子曰恃險與馬者子不聞乎故曰冀之北

土馬之所生是不一姓

韓曰昭四年左傳司馬侯曰恃險與馬而虞鄰國之難是三殆

也九州之險是不一姓冀之北土馬之所生無與國焉恃險與馬不可以為固也冀北即冀州之北請置

此而新其說

先生曰晉之北山有異材梓匠工師之為宮室求大木

者天下皆歸焉仲冬既至

孫曰周禮仲冬斬陽木

寒氣凝成外凋

內貞藩液不行

孫曰左氏猶拾藩也說文藩汁也液津液也○藩音審液音亦

乃堅乃

良萬工舉斧以入必求諸巖崖之歌傾澗壑之紆縈凌

噴岼之杪顛

韓曰噴岼山銳貌杪說文云木標末也即枝上端○噴徂九切岼五官切杪音眇

漱泉源之淦澹

童曰淦沈也潛水回貌○淦古南切澹音營

根絞怪石不土

而植千尋百圍與石同色羅列而伐者頭抗河漢刃披

虹霓聲振連鑿枿填層谿

童曰枿削木札樸也陳楚謂積為枿音肺古廢切

丁丁

登登

韓曰詩曰伐木丁丁○丁剛更切

礧礧稜稜

韓曰說文礧石聲一曰礧礧堅也稜四方

木也○礧呂唐切稜盧登切

若兵車之乘凌其響之所應則漬漬漚漚

孫曰魯頌是斷
是度○斷音短

捐危顛芟繁柯乘水潦之波以入于河

而流焉盪突碑兀

童曰碑兀危石也○碑即兀切

轉騰冒沒類秦神驅

石以梁大海

孫曰三齊略記曰秦始皇作石塘欲過海觀日出處於時有神人能驅石下海城陽

一山石盡起立巖巖東傾狀似相隨而去云石去不速神人執鞭之畫流血石莫不悉出至今猶爾抵曲

鱗蹙匯流雷解

童曰匯水合流音會

前者汨越後者迫隘乃下龍

門之懸水摺拉頽踏

童曰摺敗也拉摧也○摺質涉切拉落各切亦通作摺

梓首

軒尾

韓曰說文梓持頭髮也漢貢禹曰梓草杞土○梓昨沒切

湏入重淵

童曰湏大水濛湏也

○湏胡動切

不知其幾百里也濤波之旋滔山觸天既渟既

平彌望悠焉良久乃始昂屹涌溢挺拔而出林立峯崿穿雲蔽日渙然自撓復就行列渾渾而去以至其所唯

良工之指顧叢臺阿房

孫曰六國時趙王故臺在邯鄲城中連聚非一故名叢臺史記

秦始皇三十五年營作朝宮渭南上林苑中先作前殿阿房韓曰張衡東京賦云趙建叢臺於後注趙武靈王起又云秦政利甯長距乃構阿房○房音旁

長樂未央

孫曰漢宮闕名曰長安有長樂宮未央宮

建章昭陽之隆麗詭特

孫曰武帝太初元年起建章宮在未央宮西昭陽亦殿名

皆

是之自出若是何如吳子曰吾聞君子患無德不患無土患無土不患無人不患無宮室患無宮室不

患材之不已有先生之所陳四累之下也且禡祁既成

諸侯叛之

韓曰左傳昭公八年晉侯方築禡祁之宮至昭十三年晉成禡祁諸侯朝而歸者皆有貳

心杜預注禡祁地名在絳西四十里臨汾水○禡音斯字亦作虎祁音巨之切

先生曰河魚之大

韓曰河當是黃河也

上迎濤波

孫曰秦始皇八年河魚大上輕

車重馬束就食

羅壅津涯

一無羅字

千里雷馳重馬輕車遂以君命

矢而縱觀焉

韓曰矢陳也隱五年左氏隱公矢魚于棠

大罟斷流修網亘山

罟罟罟

集注詩蓀然罟罟罟音都教切又詩魚麗於罟注罟曲梁也音力久切張衡西京賦曰設

罟麗注云魚網音獨鹿按唐韻罟古賣切又胡卦切皆不說是魚網今上文四物皆是魚網當音獨鹿

衽其間巨舟軒昂仡仡迴環水師更呼聲裂商顏

韓曰商山

名在商州孫曰商顏商山之顏見張湯傳

於是鼓譟沓集而從之扼龍吭

戶

切拔鯨鰭

韓曰鯨大魚鰭魚脊上骨。鯨巨京切鰭音者

戮白鼃

韓曰鼃似鼃而大。鼃音

元逐毒螭

韓曰螭如龍而黃無角。螭曲知切

叱馮夷

韓曰清冷傳曰馮夷華陽潼鄉隄首

人也服八石得水仙是為河伯

立水湄搜攬流離

攬古巧切

掬縮推移梁會

網蹙騰天彌圍掉躡擁踴

童曰說文躡人不能行也踴跳也。躡音壁踴音勇

以

登夫歷山之垂

韓曰歷山在河東

如川之歸如山之摧

一作崔亦音摧

如雲之披其有乘化會神振拔漣淪

韓曰水成文曰漣小波為淪。漣音

連倫音倫

摘奇文

摘丑知切

出怪鱗騰飛濤而上逸生電雷於

龍門者猶仰綸飛繳

童曰繳生絲綰音灼亦作繫

頓踏而取之

踏一作踏

莫不脫角裂翼呀嚇匍匐

童曰呀張口嚇怒也亦云口拒人○呀虛加切嚇音赫

復就嚮切

嚮刀充切

莫保龍籍具糅五味

韓曰糅雜也艾布救切具一作甘

布

列雕俎風雲失勢沮散遠去若夫魃鱗鮪鯉鯉鱧魴鱣

之瑣屑茂裂者

魃音沙鱗音當鮪音消鯉音里鯉音假鱣音禮魴音防鱣音叙上聲義並見說

漁者對智伯注鰭一作鰭音鰭

夫固不足悉數漏脫絃目養之水府而

三河之人則已填溢饜飫腥膏烏鹵聞鱸炙之美則掩

鼻蹙額

阿葛切

賤甚糞土而莫顧者也若是何如吳子曰

一時之觀不足以夸後世口舌之味不足以利百姓姑

欲聞其上者

先生曰猗氏之鹽

孫曰猗氏縣屬河中猗氏之鹽即河中兩池也。猗於宜切

晉寶

之大者也人之賴之與穀同化若神造非人力之功也

但至其所則見溝塍畦畹之交錯輪囷

孫曰說文云塍稻中畦又云田

五十畝曰畦三十畝曰畹。塍音乘畹音宛

若稼若圃敞兮勻勻渙兮鱗鱗

邏彌紛屬

邏力紙切彌音彌

不知其垠俄然決源醴流

醴山宜切又所

綺

交灌互澍

韓曰互差互也澍說文澍生萬物

若枝若

股委屈延布

屈一作曲

脉寫膏浸漶濕滑汨

童曰浴漶水貌滑利也○漶即

入切滑戶八切汨

彌高掩庠

與卑通

漫攏冒塊

童曰攏田中高處○

漫平聲

決決沒沒遠近混會抵值堤防溼瀛霈濺

童曰溼濱水絕

遠貌濺水聲或曰礙沍也

偃然成淵潏然成川

童曰沍潏大水

貌○潏音莽

觀之者徒見浩浩之水而莫知其以及神液陰

漶

音鹿甘鹵密起

童曰鹵鹹水

孕靈富媪

孫曰漢禮樂志后土富媪媪女老稱也坤

為母故稱媪

不愛其美

孫曰禮記地不愛其寶

無聲無形燦結迅

○媪烏皓切

五百家註柳先生集

十二

說

孫曰說文燂火飛也平遙切

迴眸一瞬積雪百里晶晶幕幕

童曰

也胡了胡灼二切

奮債離析

童曰債僅也方問切

鍛圭椎辟

孫曰

畢音覓一作幕

治圭辟皆言鹽之狀

眩轉的皪

眩音

乍似殞星及地明

滅相射

滅一作激

冰裂電碎龍從增益

龍從山貌張曰上林賦上格孔下子孔切

大者印累

孫曰漢書印何累累

小者珠剖涌者如砥

張曰砥水渚音砥又典禮

切

坳者如缶日晶熠煜

晶日積熠羊入切煜耀也音育

螢駭電走亘步

盈車方尺數斗於是哀斂合集

哀薄侯切

舉而堆之皓皓乎

懸圃之巍巍

孫曰懸圃在崑崙上○巍巍音危

皦乎漾乎狂山太白之淋

滴

孫曰澱白也。漢大水貌。太白山名。在扶風。○澱古了切。流弋治切。

駭化變之神奇卒

不可推也。然後驢羸牛馬之運。

羸與驢同。

西出秦隴南過樊

鄧

韓曰樊即樊城縣。今襄州臨漢縣也。鄧即鄧州也。

北極燕代東逾周宋家獲

作賊之利

孫曰書潤下作賊。

人被六氣之用和鈞兵食以征以

貢

孫曰征稅也。

其賚天下也

賚利也。

與海分功

孫曰與海鹽分功也。

可謂

有濟矣。若是何如？吳子曰：魏絳之言曰：近寶則公室乃

貧

孫曰：成七年左氏晉人謀去故絳，諸大夫皆曰：必居邠。邠氏之地沃饒，而近鹽。韓獻子曰：山澤林鹽國之

寶也。近寶公室乃貧。說文：鹽河東鹽池。表五十一里，廣七里，周總百一十六里。

宜謂是耶？雖然

此可以利民矣而未為民利也先生曰願聞民利吳子曰安其常而得所欲服其教而便於已百貨通行而不知所自來老幼親戚相保而無德之者不苦兵刑不疾賦力所謂民利民自利者是也

先生曰文公之霸也援秦破楚囊括齊宋

孫曰賈生過秦論曰囊括

四海括結囊也

曹衛解裂

孫曰僖二十七年左氏楚子及諸侯國宋晉文公率齊秦救之狐突曰楚

始得曹而新婚於衛若伐曹衛楚必救之則

魯鄭震怒

齊宋免矣文公於是分曹衛之田以畀宋

孫曰僖三十年晉侯

定周于溫

韓曰僖二十四年周襄王辟昭叔之難居於鄭

地二十五年文公取昭叔於溫殺之
於溫城迎王于鄭四月王入於王城
奉冊受錫夾輔糾

逖以為侯伯

韓曰二十八年王命尹氏策命晉侯為侯伯賜之大貉之服戎貉之服彤弓一彤矢

百穀弓矢千秬芻一亩虎賁三百人曰王謂叔父敬服王命以綏四國糾逖王惠

齊盟踐土

孫曰倍二

十八年五月魯侯晉侯齊侯宋公蔡侯鄭伯衛子莒子盟于踐土踐土鄭地

低昂玉帛天子

恃焉以有諸侯諸侯恃焉以有其國百姓恃焉以有其

妻子而食其力叛者力取附者仁撫推德義立信讓示

必行明所嚮達禁止一好尚春秋之事

孫曰謂朝聘之事也

公侯

大夫策文馬

孫曰文九年在氏宋人以文馬百乘賁華元於鄭注云文馬畫馬為文

馳軒

車出入環連貫於國都則有五筵之堂九几之室

孫曰周禮

室中度以几堂上度以筵筵八尺几三尺也

大小定位左右有秩禽牢餼饋

孫曰周禮掌客諸侯之禮上公乘禽日九十雙饗餼九牢諸侯乘禽日七十雙饗餼七牢子男乘禽日五十雙

饗餼交錯文質饗有嘉樂

孫曰定十年左氏孔子曰犧象不出門嘉樂不野合注云

嘉樂宴有庭實

孫曰莊二十二年左氏庭實旅百

犧象畢出

張曰犧象皆樽名○犧素何切

犒勞贈賄

童曰釋文實勛勛功曰勞賄賄賄也

率禮無失六卿理兵大戎小戎

韓曰戎兵車也

鐘

○勞即到切

鼓丁寧

孫曰宣四年左氏伯棼射王汰解及鼓附著於丁寧注云丁寧鉦也

以討不恭車

及鼓附著於丁寧注云丁寧鉦也

以討不恭車

埒萬乘

張曰埒倖也音劣

卒半天下鼓之則震旆之則畏

孫曰平丘

之會八月辛未治兵建而不旆壬申復旆之諸侯畏之

其號令之動若水之源若

輪之旋莫不如志當此之時威能驅娛以奉其上故其

民至於今好義而任力此以民力自固假仁義而用天

下其遺風尚有存者若是可以為民利也乎吳子曰近

之矣然猶未也彼霸者之為心也引大利以自嚮而摟

他人之力以自為固

補注取孟子摟諸侯以伐諸侯之意摟音婁

而民乃後

焉非不知而化不令而一異乎吾嚮之陳者故曰近之

矣猶未也

先生曰三河古帝王之更都焉

韓曰三河河東河南河北道也蓋河東道之河

中府蒲版縣舜所都絳州夏縣禹所都河南道之陳郡伏義神農所都一云伏義又都曲阜黃帝都於鄭州而少昊都於窮桑即今之兗州曲阜縣則又皆隸河南道也而河北道之涿鹿山則黃帝之都耳孫曰漢書貨殖傳唐人都河東殷人都河內周而平陽堯之所理也

孫曰

堯都平陽舜都蒲坂韓曰平陽今之晉州

有茅茨采椽土型之度

孫曰韓子曰堯舜采

椽不刮茅茨不翦飯土埴吸土型土埴飯器上型羹器皆以瓦為之○型音刑

故其人至於今

儉嗇有溫恭克讓之德

孫曰書曰允恭克讓

故其人至於今善讓

有師錫僉曰疇咨之道故其人至於今好謀而深有百

獸率舞鳳凰來儀於變時雍之美於音故其人至于今

和而不怒有昌言儆戒之訓儆居引切故其人至於今憂思

而畏禍孫曰詩此晉也而謂之唐本其風俗憂深思遠有無為不言垂衣裳之

化補注易繫堯舜垂衣裳而天下治晏本去裳字故其人至於今恬以愉此堯

之遺風也願以聞於子何如吳子離席而立拱而言曰

美矣善矣其蔑有加矣此固吾之所欲聞也一有凡字夫儉

則人用足而不淫讓則遵分而進善其道不闕張曰分謂分守

也○分扶問切謀則通於遠而周於事和則仁之質戒則義之

實恬以愉則安而久於其道也至乎哉今主上方致太

平動以堯為准先生之言道之與者若果有貢於上則

吾知其易焉也

孫曰禮記吾觀於鄉知王道之易易也

舉晉國之風以一

諸天下如斯而已矣敬再拜受賜

答問

韓曰公永貞元年九月自監察御史坐王叔文黨黜為郢州刺史十一月改永州司馬當是到

永後

作

有問柳先生者曰先生貌類學古者然遭有道不能奮
厥志獨被罪辜廢斥伏匿交遊解散羞與為戚生平嚮
慕毀書滅跡他人有惡指誘增益身居下流為謗藪澤
罵先生者不忌陵先生者無謫遇揖目動聞言心惕時
行草野不知何適獨何劣耶觀今之賢智莫不舒翹揚

英

童曰翹
高也

推類援朋疊足天庭魁碧恢張

孫曰漢書鮑
宣傳朝臣無

有大儒魁壘之士魁壘壯貌
魁口賄切壘音磊張一作能

羣驅連行奇謀高論左右

抗聲出入翕忽擁門填局一言出口流光垂榮豈非偉

耶先生雖讀古人書自謂知理道識事機而其施為若

是其悖也狼狽擯僂

狼音郎狽音貝僂音幾

何以自表於今之世

乎先生答曰敬聞命然客言僕知理道識事機過矣僕

情夫屈伸去就

張曰情不明也毋且切又莫紅目總二切

觸罪受辱幸得聯

支體完肌膚猶食人之食衣人之衣

二衣字上去聲下如字

用人

之貨無耕織居販然而活給產媿恐慄之不暇今客又

推當世賢智以深致誚責

誚才肖切

吾縲囚也

韓曰論語注縲黑索也倫

切追逃山陵入江海無路其何以容吾軀乎願客少假聲

氣使得詳其心次其論客曰何取先生曰僕少嘗學問

不根師說心信古書以為凡事皆易不折之以當世急

務徒知開口而言閉目而息挺而行躓而伏

韓曰躓路也音致與

通

不窮喜怒不究曲直衝羅陷穽不知顛踣

蒲北切

愚蠢

狂悖若是甚矣又何以恭客之教而承厚德哉今之世

工拙不欺賢不肖明白其顯進者語其德則皆茫洋深

闊端貞鯁亮苞并涵養與道俱往而僕乃褻淺窄僻跳

浮囁

張曰囁集韻胡陌切大呼也又囁多言也唐韻囁大呿也囁子夜切笑聲也又側伯切大

聲也抵瑕陷厄固不足以超超批振而追其跡超超行不進貌。超

千咨切起千余切批舉其理則皆謨明淵沈剖微窮深

剖音辟析是非辟音解校度古今而僕乃緘默塞鉗其廉切

耗眊室惑童曰眊目少精也音冒扶異探怪扶挑也起幽作匿攸攸

恤恤孫曰昭十二年左氏恤恤乎湫乎攸乎注攸懸危貌恤憂患也卒自既賊既與禍同固

不足以睢盱激昂而效其則張曰睢仰目盱張目。睢翔規切盱勾于切言

其學則皆總攬羅絡橫豎雜博童曰豎立也音樹天旋地縮鬼

神交錯而僕乃單庸撒孳童曰撒匹茂切正作孳擊也離疏空虛竊

聽道塗顛罵蒙愚

顛與專同

不知所如固不足以抗顏搖舌

而與之俱稱其文則皆汗漫輝煌呼噓陰陽

噓一作喻

轆轤

三光

韓曰轆轤長遠貌一曰雜亂也。二字音文葛

陶鎔帝皇而僕乃朴鄙艱

澁培塿澁澍

童曰博雅培塿冢也左氏襄二十四年云部婁無松栢即培塿也而字不從土說文

澍澍水貌

○培薄口切塿即口切澍子入切七立切澍丑入切培字或作培

毫聯縷緝塵出

塊入

朗切於朗切

固不足以攄擣踴躍而涉其級茲四者懸判

雖庸童小女皆知其不及而又裹以罪惡纏以羈紲

上居

宜切下

客從而擠之

擠排也賤西子計二切

不亦忍乎且夫白義

駟耳之得康莊也

孫曰列子周穆王命駕八駿之乘左服驂騮而右綠耳右驂赤驥而左白

義釋言云五達謂之康六達謂之莊康莊大道也義字晏本作蟻史記作犧

逐奔星先飄風

而跛驢不出泥滓黃鐘元間之登清廟也

孫曰國語有六間元間大

呂二間夾鐘三間中呂四間林鍾五間南呂六間應鍾

銓天地動神祇而鳴鳴咬

哇

孫曰史記李斯曰擊甕叩瓶彈箏搏髀而歌呼鳴哇真秦之聲也鳴鳴當是秦曲名咬哇邪聲○咬五巧

切哇於佳切又鳥瓜切

不入里耳

孫曰莊子大聲不入於里耳

西子毛嫱之蹈後

宮也

孫曰孟子曰西子蒙不潔西子西施越女莊子曰毛嫱麗姬人之所美也毛嫱蓋越王嫫姬

皦

朝日煥浮雲而無鹽逐於鄉里

孫曰列女傳無鹽齊女

蛟龍之騰

於天淵也彌六合澤萬物而蝦與蛭不離尺水

蛭水蟲名音質

卓詭倜儻之士之遇明世也

重曰倜儻他歷切儻他黨切不羈也

用智能

顯功烈而麼眇連蹇

重曰麼細也目果切連盧蹇切

顛顛披靡固其所

也客又何怪哉且夫一涉險阨懲而不再者烈士之志

也知其不可而速已者君子之事也吾將竊取之以沒

吾世不亦可乎乃歌曰堯舜之脩兮禹益之憂兮能者

任而愚者休兮蹉蹉蓬蘽

韓曰蹉蹉相得貌蓬蘽釋文云蘽草。蹉音仙蘽徒弔切

樂

吾囚兮

吾一作夫

文墨之彬彬

音郊一本作中

足以舒吾愁兮已

乎已乎曷之求乎客乃笑而去

起廢答

韓曰亦永州
未召時作

柳先生既會州刺史即治事還遊於愚谿之上谿上聚

鰲老壯齒

孫曰鰲黑而
黃色音黎

十有一人設足以進

童曰設起
也山六切

列植以度

孫曰莊子壞植散
羣植行列也音值

卒事相顧加進而言曰今

茲是州起廢者二馬先生其聞而知之歟答曰誰也曰

東祠壁浮圖

張曰說文壁人不能行也
壁於益切亦書作躒

中廢病顙之駒

童曰廐馬含音究
類篇囊切駒音拘

曰若是何哉曰凡為浮圖道者都邑

之會必有師師善為律以勅戒始學者與女釋者甚尊

嚴且優游臂浮圖有師道少而病臂日愈以劇居東祠

十年扶服與曳

孫曰扶服與匍匐同

未嘗及人側匿愧恐殊甚

一無

今年他有師道者悉以故去始學者與女釋者偃偃

無所師

童曰偃偃無見貌音丑良切又獨立也音板

遂相與出臂浮圖以為

師盥濯之

童曰盥濯潔也盥古緩切古玩切

扶持之壯者執與幼者前

驅被以其衣導以其旗怵惕疾視引且翼之

孫曰詩以引以翼

覽浮圖不得已凡師數百生

一本作人一又作人生

日饋飲食時

獻中悅洋洋也舉莫敢踰其制中廐病顙之駒顙之病

亦且十年色玄不厯無異技磴然大耳

磴苦東戶宋二切

然以

其病不得齒他馬食斥棄異卓恒少食屏立擯辱掣頓

異甚

掣尺制尺列二切

垂首披耳懸涎屬地凡廐之馬無肯為

伍會今刺史中丞來莅吾邦

孫曰貞元元年御史中丞崔公來莅永州

屏棄

羣駒舟以泝江將至無以為乘廐人或曰病顙駒大而

不厯可秣飾焉他馬已焚庠狹

重曰巴焚地名○焚蒲昌切

無可當

吾刺史者於是衆牽駒上燥土大廡下

張曰廡堂下

薦

之席縻之絲浴剔蚤髻

孫曰禮記乘髦馬不蚤髻蚤謂除爪也髻謂髻鬣也肆曰蚤音爪

髻子淺切莊子為天子之諸御不爪剪

刮惡除漬

刮古剗切

莖以雕胡

孫曰莖新蜀也

雕胡草名荇也○莖音性

秣以香苺

童曰其豆莖○秣音末苺音基

錯貝鱗纒

張曰纒馬

腹帶鑿金文羈絡以和鈴

孫曰左氏錫鸞和鈴昭其聲也注和在銜鈴在旂

以朱綏

韓曰綏纒也偶佳切雙音嬰

或膏其鬣

奇

或廁其睢

韓曰廁刑也音

唐平聲睢尻也音推

御夫盡飾然後敢持除道履石立之水涯

音

幢旗前羅

韓曰說文幢旌旗屬周禮馬車為旗○幢傳江切旗音與

杠蓋後隨

童曰杠旗

竿音江

千夫翼衛當道上馳抗首出臆

億音

震奮遨嬉

遨音

當是時若有知也豈不曰宜乎先生曰是則然矣叟將

何以教我鰲老進曰今先生來吾州亦十年

韓曰公永貞元年十

一月自鄧州刺史改永州司馬明年即改元和留永既久至元和十年正月方召至京

足軼疾風

張曰軼車相過也○軼徒結切又音逸

鼻知臙香

臙戶連切與禮同

腹溢儒書口

盈憲章包今統古進退齊良然而一廢不復曾不若璧

足涎頰之猶有遭也

張曰涎口液夕連切

朽人不識敢以其惑願

質之先生先生笑且答曰叟過矣彼之病病乎足與頰

也吾之病病乎德也又彼之遭遭其無耳今朝廷洎四

方豪傑林立謀猷川行羣談角智列坐爭英披華發輝

揮喝雷霆老者育德少者馳聲卅角羈貫

童曰卅束髮也古患切

排廁鱗征一位暫缺百事交并駢倚懸足

駢蒲眠切

曾不得

逞

丑郎切

不若是州之乏釋師大馬也而吾以德病伏焉

宜壁足涎顙之可望哉叟之言過昭昭矣無重吾罪於
是鰲老壯齒相視以喜且吁曰諭之矣拱揖而旋為先
生病焉

五百家註柳先生集卷十五